

六  
典  
通  
考

六典通考卷四

湖西閣鎮珩輯

設官考

冬官沿革

大司空古官天文危東六星兩兩而比曰司空主水少昊鳩氏爲司空舜攝帝位以禹爲司空契元孫之子曰冥亦爲夏司空殷湯以咎單爲司空周成王以毛公爲司空宋以武公之諱改司空爲司城楚改司空爲莫敖秦置御史大夫省司空漢初因之至成帝綬和元年始更名御史大夫曰大司空初改爲司空議者又以縣道官有獄司空故復加爲大司空亦以別小大之文金印紫綬祿比丞相哀帝建平二年復

爲御史大夫元壽二年復爲大司空後漢初爲大司空建武二十七年去大爲司空公獻帝建安十三年又罷司空置御史大夫都慮免不復置魏初又置司空冠綬及郊廟之服與太尉同宋制進賢三梁冠佩山元玉掌治水土祠祀掌埽除樂器大喪掌將校復土歷代皆有之後周爲冬官謂之大司空卿隋及唐復爲三公宋仍唐制政和二年罷趙金元亦爲三公元又有大司空明無是官

大司空今工部尙書漢成帝初置尙書有民曹主凡吏民上書後漢光武改民曹主繕修功作鹽池園苑魏置左民尙書亦領其職晉宋以來有起部尙書而不常置每營宗廟宮室則權置之事畢則省以其事分屬都官左民二尙書北齊起

部郎亦掌工造屬祠部尙書後周依周官置冬官大司空卿  
一人掌五材九範之法其屬工部中大夫二人承司之事掌  
百工之籍而理其禁令隋開皇三年始置工部尙書統工部  
屯田二曹蓋因後周工部之名兼前代起部之職唐龍朔二  
年改工部尙書爲司平太常伯咸亨元年復舊武后改工部  
爲冬官神龍初復舊總判工部屯田虞部水部事宋制工部  
判部事一人以兩制以上充凡城池土木工役皆隸三司修  
造本曹無所掌元豐官制行尙書工部掌天下城池宮室舟  
車器械符印錢寶之事百工山澤溝洫屯田之政令是時尙  
書猶未除入紹興三年并少府監歸工部以文思院屬焉建  
炎并省將作少府軍器監並歸工部隆興以後各分職掌分

案六曰工作營造材料兵匠檢法知雜舊又專立一案以御前軍器案爲名遶北面以宣徽北南二院掌御前祇應之事視工部南面工部尙書同吏部金工部尙書一員正三品掌修造營建法物諸作工匠屯田山林川澤之禁江河隄岸道路橋梁等事元工部尙書三員正三品掌天下營造百工之政令中統元年右三部置尙書二員至元元年始分立工部尙書明初設工部尙書其屬四曰營部虞部水部屯部洪武二十九年改營部爲營繕虞部爲虞衡水部爲都水屯部爲屯田俱稱清吏司永樂辛丑改立北京工部尙書後又改置沙魚口清縣尙書侍郎等官嘉靖六年裁革

小司空中大夫後周依焉隋煬帝初置工部侍郎唐因之龍

朔二年改爲司平少常伯咸亨元年復舊他時曹名或改而  
寫不易掌興造工匠諸司公廨屋宇五行並紙筆墨等事宋  
侍郎一人南渡初長貳互置隆興詔各置一員遼南面工部  
侍郎同吏部金工部侍郎一員正四品元工部侍郎二員明  
工部左右侍郎各一人易州厥侍郎一人

大司空之屬司水下大夫晉宋齊皆有起部郎中梁陳改置  
起部侍郎後周置冬官小司空下大夫隋初爲工部侍郎煬  
帝改起部郎唐武德三年改爲工部郎中龍朔中改司平大  
夫咸亨復舊光宅神龍並隨曹改復又周禮司水上士後周  
置小司空上士隋開皇六年置工部員外郎煬帝改起部承  
務郎唐改爲工部員外郎龍朔中改司平員外郎咸亨光宅

神龍並隨曹改復宋郎中一人舊制凡製作營繕計置採伐材物按程式以示有司則郎中員外郎叅掌之建炎三年詔工部郎官兼虞部屯部郎官兼水部隆興元年詔工部屯田各一員兼領遠南面工部郎中員外郎並同吏部金工部郎中一員從五品員外郎一員從六品主事二員從七品元工部郎中員外郎各二員品秩同吏部主事五員明工部營繕清吏司郎中員外郎各一人主事二人掌經營興造之事嘉靖中間興大工添設郎官數倍營繕司尤盛郎官多至十餘員

匠師下大夫秦有將作少府掌治宮室漢景帝中元六年更名將作大匠後漢位次河南尹中元二年省以謁者領之章

帝建初元年復置初以任隗爲之掌修作宗廟路寢宮室陵  
園木土之功并樹桐梓之類列于道側魏晉因之江左至宋  
齊皆有事則置無事則省梁改爲大匠卿陳因之後魏亦有  
之北齊有將作寺其官曰大匠後周有匠師中大夫掌城郭  
宮室之宮又有司木中大夫掌木工之政隋與北齊同開皇  
二十年改寺爲監大匠爲大監初加置副監煬帝改太監少  
令唐復舊爲匠龍朔二年改將作爲繕工監咸亨元年復舊  
光武元年改爲營繕監神龍元年復舊大匠一人少匠二人  
天寶中改大匠爲大監少匠爲少監領左校右校甄官中校  
四署宋將作監判監事一人以朝官以上充凡土木匠工之  
政隸三司修造案本監但掌祠祀供省牲脾鎮石炷香焚版



築之事元豐正官名置監少監各一人丞主簿各一人掌宮  
室城郭舟車營繕之事建炎初省併工部紹興三年復置金  
將作監不設元將作院置院使七員又置同知同僉院判等  
員中統二年立宮殿府專掌營繕至元十九年以其事屬大  
都留守司將作所屬歸之明初置將作司卿少卿隸工部洪  
武六年置營造提舉司二十五年改將作司爲營繕所置所  
正所副各二人以諸匠之精藝者爲之

匠師中士漢置將作監丞二人後漢一人秩六百石魏晉因  
之東晉以後有事則置無事則省梁天監七年置大匠丞一  
人班第三陳因之後魏從五品北齊四人從第七品後周置  
匠師上士一人隋將作丞二人唐四人從六品宋隆興初將

作監唯置丞一員餘官虛而不除元將作院有經歷都事等員明初置將作丞正五品後罷

考工之職秦及漢初有左右前後中五校令後唯置左右校令後漢因之掌左右工徒魏併左右校于材官晉左右校屬少府宋以後並有左校令丞別置材官校尉司馬北齊太府寺有左校署令丞後周有掌材上士隋左右校令丞屬將作掌營構工作之事唐因之又秦漢中校署令自後無唐置令丞各一人掌舟車雜兵仗廩牧唐又有中尚署令丞各一人屬少府監掌宮中營造雜作宋修內司掌宮城太廟繕修之事監官二人東西八作司掌京城內外繕修之事勾當官各三人作坊物料庫掌儲積財物以備給用監官三人金修內

司使從五品副使從六品掌宮中營造元立中尙監總領九  
司局其工部所屬有諸色人匠總管府掌百工之技藝又有  
尙工署令丞掌百工名數興造程式與其材物隸內正司明  
工部營繕司典經營興作之事工匠凡二等曰輪班曰住坐  
輪作者曰正工曰雜工

攻木之工輪輿弓廬匠車梓漢有東園主章令武帝更名木  
工如淳曰章謂木材也舊將作大匠主材更名章曹掾顏師  
古曰令所謂木鐘者蓋聲之轉耳東園主章掌材以供東園  
匠東園匠官名主作陵內器物屬少府後無聞唐有左校署  
令丞二人掌營構木作採材等事將作所屬有百工就谷庫  
谷斜谷太陰伊陽等監監各一人掌採伐林木以供修造宋

竹木務掌受諸路水運材租抽算而販竹以經營造勾當官一人事材場掌計度財物前期樸斫以經營造監官二人退材場掌受京城內外退棄材木掄其長短曲直中度者以給營造及薪爨監官一人遼金無考元修內司所屬有大木局小木局提領管勾又有木場提領大使副使掌受給營造材木明工部營繕司凡物料儲備曰神木廠大木廠以葺材木曰臺基廠以貯薪藎皆以供修作之用

攻金之工築治梟棗段桃秦及漢郡國置鐵官長丞晉衛尉屬官有冶令丞掌工徒鼓鑄江左省衛尉而冶令始隸少府宋有東冶南冶各置令丞屬少府齊因之江南諸郡縣有冶者或置冶令或置冶丞多是吳所置梁陳有東西冶後魏益

聞北齊司冶令丞屬太府後周有冶工鐵工中士隋掌冶署  
令二人并管諸冶煬帝改屬少府唐于京師置冶署令丞各  
一人掌造鑄金銀銅鐵塗飾琉璃玉作等事宋少府所屬文  
思院掌造金銀犀玉工巧之物又有諸路鑄錢監監官各一  
人遼有鐵坊使副使五冶太師等官金尙方署令丞掌造金  
銀器物元初立金玉局後改置總管府所屬有金銀提舉司  
又有鐵冶管勾所二處隸中政院明工部虞衡司掌諸冶飭  
其材審其模範付有司火器鑄于內府又漢有考工令作兵  
器成則付執金吾入武庫晉諸冶官庫各置督一人北齊諸  
冶皆有局丞後周始置軍器監唐初因之貞觀元年罷軍器  
太監置少監後省以其地隸少府監爲甲弩坊開元初復置

軍器使三年改使爲監更置少監一員丞二員主簿一員錄事一員及弩坊等署十一年悉罷之復隸少府爲甲弩坊十六年移其名于北都置軍器監天寶六年復于舊所置軍器監監一人領甲坊弩坊兩署丞主簿各一人宋軍器初領於三司曹案無專職熙寧六年廢曹案乃案唐令置監元豐正名爲案五所隸官屬四東西作坊掌造兵器旗幟戎帳行物監官二人作坊物料庫掌收鐵錫羽箭油漆置官與東西作坊同建炎併歸工部爲軍器所提點官二員提轄監造官各二員幹辦受給監門官各一員掌鳩工聚材製造戎器之政令紹興中改隸工部罷提舉官後復以中人典領工部侍郎黃中請復隸屬從之孝宗卽位改稱提舉免隸工部後改

隸步軍司尋復舊遼北面有五治官金承安二年設軍器監  
泰和四年罷復併甲坊利器兩署爲軍器署置令丞直長隸  
兵部至寧元年復爲軍器監軍器署利器署隸焉置監少監  
丞直長掌修治戎器元初爲武備寺置卿少卿等員至元五  
年始立軍器監後改爲武備監隸衛尉院又改監爲寺明製  
造軍器等事屬軍器局及虞衡司隸工部錦衣衛又有管軍

匠司

攻皮之工函鮑韞韋裘漢少府屬有胞人長丞隋置甲鎧署  
唐更爲甲坊署令丞各一人又有右尙署令二人造甲胄  
具及皮毛雜作宋軍器監所屬有皮角場掌收皮角筋革以  
供作坊之用金初設甲坊署令丞直長後廢元有甲匠提舉

司大都雷守司所屬有甸皮局管匠三十餘戶歲辦熟造紅甸羊皮明工部屬官有皮作局大使一人副使二入秩皆九品

設色之工畫績鍾篋幌漢有暴室丞主掖庭織作染練之事暴室者取暴曬爲名又考工令主織綵諸雜工唐有左尙署掌車葦繖扇膠漆畫績等作令丞各一人宋文思院隸工部有提轄官監官監門官等員掌綵繪裝鈿之飾凡儀物器仗權量輿服供尙方給百司者于是出焉將作監屬有丹粉所掌燒變丹粉以供繪飾監官一金有文繡署令丞各一掌繡造御用服飾及燭籠花卉元立章佩監犬都有畫局提領掌殿宇藻繪之事明初設文思院等衙門掌諸造作後裁革內



官有顏料局掌燒造銀硃等項大使一人

刮摩之工玉柳雕矢磬後漢尙方令掌上手工作御刀劍玩好器物及寶玉作器宦者蔡倫爲尙方令監作祕劍及諸器械莫不精工堅密爲後代法唐治署令掌琉璃玉作等事宋凡天子器玩后妃服飾雕文錯彩工巧之事分隸于文思院後苑造作所金文司署令丞各一掌造分印合傘浮圖金銀等物元將作院有玉局提舉司大都有減鐵局銷金局雕木局各提領明工部統文思院內監置銀作局各有大使副使塼埴之工陶瓴後漢將作大匠屬官有前後中甄官令晉少府領甄官署掌磚瓦之任宋齊有東西陶官民署督令各一人北齊太府寺統甄官署又別領石窟丞後周有陶工中士

一人掌爲尊彝簋盤等器隋甄官署屬太府供琢石陶土及作磚瓦瓶缶改屬將作又有右校署令丞二人掌管土作瓦泥并燒石灰厠澇等事宋冨務掌陶土爲磚瓦以給營繕及餅缶之用監官三人金甄官署置令丞及直長掌剗石埏埴之事元工部有光熙門窑場提領又有大都四窑場提領大使副使營造琉璃磚瓦隸少府監明工部營繕司所轄有黑窯場琉璃廠以陶瓦器

周世禕曰周成王仰法前代訓迪厥官周官一篇第舉其綱未及其目周禮三百六十屬則其目也然猶是官有古重而後世輕者少昊名官首及厯正唐堯分職先命羲和至後世星術之屬降爲雜流矣有古設而後世廢者太皞

以還皆有五行之官若勾芒祝融蓐收元冥后土封爲上  
公祀爲貴神至後世不過司天一家畧寓其意其實官之  
廢久矣有猶是官而分合異者有虞伯夷典禮后夔典樂  
而兵刑並掌于皋陶至後世禮樂合爲一官而兵刑分爲  
二矣有猶是官而統屬異者殷之太宗太史太祝太士太  
卜皆屬于太宰其五官則有司士無宗伯至周則改司士  
爲宗伯而祝宗卜史屬之矣凡此設官不同總因世運爲  
升降耳

論曰天地不言而運四時四時積而歲功成故先王法  
象兩儀以立官萬物之權衡人事之矩矱盡在是焉蓋  
天無所不統六官之事皆受成于冢宰天道也地無所

不養司徒之職先養民而後教地道也天地之功交修  
互治則又分象四時各立一官俾奉則而行之是以毛  
髮絲粟之務罔不就緒荒遠窮僻之人無勿得所自秦  
變古罷六官而漢始設尚書五曹光武增之爲六其職  
猶卑魏晉而下或五或六進退無恆及隋定爲六部更  
今千有餘載莫能易焉明抑丞相之權分授于六部而  
吏部尤爲崇重蓋周人所謂大冢宰者庶幾近之明初  
學士之秩特以備顧問其後參贊機密遂當鈞軸之任  
固非太祖初意也夫古今之變不同因革之道各異自  
魏晉至唐尚書與門下中書並爲三省兼總宰相之權  
宋又益以樞密兩制明之中葉六部之權轉歸內閣綜

是數者莫不有利有弊要而論之惟以得人爲本故法古不必是變古不必非得人以行其權則人事淡而萬物靡不理矣

後周冬官府官屬

天地等五官  
名目分見前

正六命小司空上大夫 正五命工部匠師司木司土司金  
司水中大夫 正四命小匠師小司木小司土小司金小司  
水司玉司皮司色司織司卉下大夫 正三命工部小匠師  
內匠外匠掌材小司木小司土小司金鍛工函工小司水典  
壅水司玉小司皮小司色小司織小司卉上士 正二命工  
部內匠外匠司量司準司度掌材車工角工彝工器工弓工  
箭工盧工復工陶工塗工典卬冶工鑄工鍛工函工雕工典

掌津舟工典魚典彘瑠工磬工石工裘工履工鞞工鞞工  
韋工膠工韞工績工漆工油工弁工織絲織綵織臬織組竹  
工籍工罍工紙工中士 正一命工部旅司量司準司度掌  
材車工角工彝工器工弓工箭工盧工復工陶工塗工典中  
治工鑄工鍛工函工雕工典壅掌津舟工典魚典彘瑠工磬  
工石工裘工履工鞞工鞞工韞工韞工膠工韞工績工漆工油工  
弁工織絲織綵織臬織組竹工籍工罍工紙工下士

宋元諸儒冬官補亡

王次點曰周官言司空掌邦土居四民時地利凡經言  
田萊溝洫都邑涂巷者非邦土而何農工商賈市井里  
室廬者非居民而何桑麻穀粟之所出山澤林麓之所

生非地利而何小宰言六官之屬各有六十今治官之屬六十有三教官之屬七十有九禮官之屬七十有一政官之屬六十有九刑官之屬六十有六意者秦火之餘簡篇脫落司空之屬錯雜五官之中其實未嘗亡也俞廷椿復古編以天官之屬獸人獻人鼈人獸醫司裘染人追師屨人掌皮典絲典枲改入冬官以地官之屬封人載師閭師縣師均人遂人遂師遂大夫土均草人稻人土訓山虞林衡川衡澤虞邠人角人羽人掌葛掌染草圉人場人改入冬官以春官之屬典瑞典同巾車司常冢人墓大夫改入冬官以夏官之屬弁師司弓矢禁人職方氏土方氏形方氏山師川師遂師改屬冬官

邱葵冬官補亡五十四人司空小司空載師封人量人均人  
土均草人稻人山虞林衡川衡澤虞巾人角人羽人掌葛掌  
染草園人場人牧人牛人充人獸人獻人鼈人雞人犬人獸  
醫司裘掌皮司服典絲典枲染人弁師追師屨人典瑞典同  
巾車典路車僕司常司弓矢橐人冢人墓大夫職方氏土方  
氏彤方氏山師川師

方氏曰取土地之事財賦之則在司徒者五十有五在司  
馬者八在司寇者十有三爲司空土地不可無治之之道也  
故有載師閭師縣師均人治民無法不可以治地也故有遂  
人遂師遂大夫縣正鄙師鄴長里宰鄰長旅師稍人委人土  
均樹藝地之所宜先也故有草人焉有稻人焉有司稼焉地



圖方志王者所宜知也故有土訓誦訓山林川澤地之寶也  
故有澤虞有川衡金玉錫石角羽茶炭染草葛屨山澤之所  
產也故各存主之者以致其用苑囿場圃鳥獸草木所萃也  
故有迹人囿人場人穀粟土地所入守之宜有制也故有廩  
人倉人民者土地之本不可無恤也故有遺人以振其凶荒  
財用者生于地而取之有節故市有司廛有人肆有長賈有  
師泉有府質人胥師司門司關職方土方懷方令方形方山  
師川師遠師所以辨土地而致稱異也故自司馬而歸焉達  
道路除不蠲有野廬氏蜡氏掌害稼者有雍氏掌水禁有萍  
氏除毒蠱猛鳥獸蠹物蠹罪有冥氏庶氏宓氏翬氏哲篚氏  
翦氏赤友氏蠋氏壺涿氏庭氏攻禾殺草有柞氏薙氏亦皆

司空之事也

方苞曰司空之篇亡自漢以後無異議而晚宋元明諸儒乃分割五官以爲事典是之謂不知而作也夫五官之事皆基于事典故洪範之述官政首司空而後及其餘而是經所謂辨方正位體國經野正司空之職也尙書周官所謂居四民時地利則體國經野之實用也卽是以求之則事典之本體昭昭然可見而羣儒之迷謬不足辨矣蓋惟司徒司馬與司空聯事而事各異方雖若有連而不相及也鄉師之職大役則帥民徒而至治其政令旣役則受州里之役要以敬司空之辟蓋任役事者地官之民徒而與事任力則有司空之辟今其所謂辟者安在哉大司馬之

職大役與慮事屬其植受其要蓋聚大眾故以司馬之法  
治植要習軍中之壕壘然司馬曰與慮事則主其事者非  
司空而誰哉川澮溝洫之積數遂人掌之量人量之司險  
設之而規五溝五涂之深廣相因山通川之地勢要箱道  
路以立關梁時式險易以傳眾力溝或以水激防或以水  
濬則司空之法也王畿侯國之封疆都鄙之室數大司徒  
制之大司馬正之量人量之職方氏辨之土方氏相之形  
方氏正其華離遷師辨其名物而鄉遂郊關以封域而別  
其遠近農士工商以作業而異其遊居城郭渠落以嚮山  
經水而審其面勢則土深以求泉順地防以行水春築隄  
防冬繕城郭則司空之法也其在他職則事更無聯焉者

社稷宗廟之位四郊四望四類以及山川坵陵墳衍之兆  
小宗伯授之會同之壇司儀令之而正方攻位量功命事  
小宗伯司儀不與也王內之宮寢宮中之官府次舍司空  
作焉而後內宰書其版圖之數宮正宮伯比其官吏人民  
士庶子之居朝市既成而後小司寇朝士太僕掌其政司  
市布其令倉府廩廩既成而後太府玉府內府外府倉人  
廩人校人廩人倣其守車旗兵甲既成而後巾車典路司  
常司甲司兵司戈盾司弓矢辨其用其他禮樂兵祭之器  
守藏服御之物莫不皆然惟天官之染人追師屨人夏官  
之染人疑可爲事官之屬然王后世子之飲食衣服皆隸  
天官而聽于冢宰聖人有深慮焉兵器之用弓矢爲多故

設彙人以試然日受財于職金以齎其工則造之者是乃  
弓人矢人可知矣冬官雖亡而以五官按之其職其事可  
班而列也又况鄉師所莅之匠師儀禮大射之工人士梓  
人觀禮之嗇夫不屬于司空而焉屬哉

### 六官沿革表

周 兩漢 魏 晉 南朝 北朝 隋 唐 宋 遼 金 元 明

大冢宰 侍傳 冢書  
卿一人 僕改爲

東部百  
後爲選  
部尙書

西漢常史部尙吏部尙

書

宋齊梁後魏北史部尙吏部尙吏部尙吏部尙吏部尙

部尙書  
後周大  
冢宰卿

書龍朔書從二尙書 晉三人書一人  
二年改品

司列太  
常伯光

宅元年  
改天官

尙書  
復舊

從一品

大司徒屬帝位左民向  
惠帝置宋齊左復魏北改度支  
改民部戶部尚並戶部戶部尚  
卿一人尚書五卿

人三日  
民曹後  
漢亦曰  
民曹

民曹

大司伯成帝置  
卿一人尚書各

曹後漢  
尚書吏  
曹兼齊  
記

大司馬漢無  
卿一人

始置祠並祠部  
後魏置改禮部  
龍朔二禮部尚並禮部  
禮部尚禮部尚禮部尚  
卿一人尚書各

北齊祠  
部尚書  
後周大  
宗伯卿

始置五木虞中並五兵  
後魏北改兵部  
龍朔二兵部尚並兵部  
兵部尚兵部尚兵部尚  
卿一人尚書七兵尚書

尚書東  
番復爲  
五兵

兵尚書  
後周大  
宗伯卿

龍朔二禮部尚並禮部  
禮部尚禮部尚禮部尚  
卿一人尚書各

龍朔二禮部尚並禮部  
禮部尚禮部尚禮部尚  
卿一人尚書各

龍朔二兵部尚並兵部  
兵部尚兵部尚兵部尚  
卿一人尚書各

龍朔二兵部尚並兵部  
兵部尚兵部尚兵部尚  
卿一人尚書各

六身現月

大司徒成帝置魏開  
卿一人三公曹

主斷獄  
後漢二

千石曹  
主中郎

官罪法  
事

大司空漢五曹開  
卿一人尚書三

曰民曹  
後漢以

民曹兼  
主工作

置三公宋始置後魏北  
都官尚書都官尚書

齊梁尚書後  
陳因之周大司  
寇卿

寇卿

有事則並起都後魏開改工部  
置起部尚書北齊起尚書

尚書  
高亦掌  
工造後  
周大司  
空卿

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

三公沿革表

周 兩漢魏 晉 南朝北朝 隋 唐 宋 金 元 明

龍朔二刑部尚書並刑部  
刑部尚書三人書一人

伯光宅  
元年改  
冬官尚  
書後復  
為工部  
尚書

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

龍朔二工部尚書並工部  
年改司書尚書

伯光宅  
元年改  
冬官尚  
書後復  
為工部  
尚書

太師

秦無哀太尉

太尉武丞相太後魏北太師太尉太師太尉

初有太尉太師太尉太師太尉

祖聖仁宗復設

帝置大

帝置太尉大司馬三公

尉

尉政和尉尉

尉

祖聖仁宗復設

司馬後

宰又有馬太宰為三公

四年罷

宗復設

漢更為

有太尉

立太師

宗復設

太尉公

大司馬

少師

宗復設

太傅

高后置司徒

司徒武司徒太

後魏北太傅司徒

初有司徒太傅司徒太傅司徒太傅成

太傅後

帝以鄭傅

齊有司徒

徒

徒政和徒

徒

祖聖仁宗復設

漢太傅

冲為太

相司徒

四年罷

宗復設

一人謂

冲為太

後周太

立太傅

宗復設

之上公

冲為太

後周太

立太傅

宗復設

哀帝置

冲為太

後周太

立太傅

宗復設

大司徒

冲為太

後周太

立太傅

宗復設

後漢更

冲為太

後周太

立太傅

宗復設

為司徒

冲為太

後周太

立太傅

宗復設

太保

哀帝置司空黃司空武司空太

後魏北太保司

太保司

初有司太保司太保大太保成

大司空初末增帝以王保

齊有司空

空

空政和空

司空

祖聖仁宗復設

後漢為置太保詳為太

空後周

四年罷

宗復設



爲司空

保

太保少

立太保  
少保

記曰坐而論道謂之三公自虞夏商皆設四輔及三公所謂師保疑丞是也其在天文魁下六星兩兩而比曰三台三公象之昔在黃帝以風后配上台天老配中台五聖配下台舜之于堯伊尹之于湯周公召公之于成王皆居是位傳曰三公者何天子之相也陝以東周公主之陝以西召公主之一相處乎內蓋天子無爵三公無官參職天子何官之有周書曰立太師太傅太保茲惟三公少師少傅少保曰三孤則三太周之三公也故不以一職爲官名焉漢夏侯歐陽尚書謂司馬主天司徒主人司空主土其說與周制異周禮建外朝之法左九棘孤卿大夫位焉右九

棘公侯伯子男位焉面三槐三公位焉春秋九命作伯尊  
公曰宰言其於海內無不宰統焉秦漢之際並無其官至  
高后惟置太傅哀帝始立大司馬大司徒大司空爲三公  
平帝元始元年初置師傅保之官位在三公上崇號曰上  
公王莽居攝置四輔官後漢惟有太傅一人謂之上公又  
有太尉司徒司空而無師保太尉公主天司徒公主人司  
空主地而分部九卿蓋多以九卿爲之若天地災變則皆  
策免自太尉徐防始焉漢制三公不與盜賊若領兵入見  
皆交戟又頸而前朝臣見三公皆拜天子御座卽起在輿  
爲下凡拜公天子臨軒六百石以上悉會直事卿贊拜御  
史授印綬公三讓然後受至安帝時三府任薄選舉誅賞

一由尙書其災眚變咎則責免公台靈帝臨朝遣使者就  
長安拜張溫爲太尉三公在外自溫始也獻帝建安十五  
年罷三公官魏初復置然皆不與朝政是時司空崔林封  
安陽亭侯三公封侯自林始黃初二年分三公戶邑封子  
弟各一人爲列侯末年增置太保晉武帝卽位以安平王  
孚爲太宰鄭冲爲太傅王祥爲太保義陽王子初爲太尉  
何曾爲司徒荀顗爲司空石苞爲大司馬陳騫爲大將軍  
凡八公同時並置所謂八公同辰攀雲附翼者也遂以太  
傅太保爲上公無其人則闕其太尉司徒司空自漢歷魏  
皆爲三公晉及江左相承不易前代三公策拜皆設小會  
自魏末廢而不行至晉拜石鑒爲左光祿大夫開府領司

徒始有詔令會遂以爲常宋亦有八公齊時三公惟有大  
傅梁有丞相太宰太傅太保大司馬太將軍太尉司徒司  
空開國儀同三司等官陳以丞相太宰太傅太保大司馬  
大將軍並爲贈官三公之制開黃閣廳事置鴈尾後魏以  
太師太傅太保名三師謂之上公大司馬大將軍謂之二  
大大尉司徒司空謂之三公北齊皆有三師二大大三公之  
官其府三門當中門黃閣設內屏三師二大置佐史同太  
尉府後周置六卿改三師官曰三公又置三孤以司徒爲  
地官大司馬爲夏官司空爲冬官如周制焉無復太尉三  
師之號宣帝置四輔官隋置三師不主事但與天子坐而  
論道置大尉司徒司空爲三公參議大事依北齊置府寮

無其人則闕祭祀則太尉亞獻司徒奉俎司空行埽除其位多曠攝行事尋省府寮佐置公則坐于尙書都省朝之眾務總歸臺閣矣煬帝廢三師官唐復置三師以師範一人儀型四海置三公無人則闕天寶以前三師官雖有其位而無人五代時多以畀藩鎮及贈官宋承唐制太師太傅太保爲三師太尉司徒司空爲三公爲宰相親王使相加官其特拜者不預政事太尉舊在三司下由唐至宋加重以太尉居太傅上若宰臣官至僕射致仕者在位久近或已任司空司徒則拜太尉太傅等官若太師則爲異數自趙普以開國元勳文彥博以累朝耆德方特拜焉雖太傅王旦司徒呂夷簡各任宰相二十日止以太尉致仕

政和二年九月詔以太師太傅太保古三公之官今爲三師古無此稱合依三代爲三公爲真相之任司徒司空周六卿之官太尉秦主兵之任皆非三公並宜罷之仍考周制立三孤少師少傅少保亦稱三少爲次相之任遼北面于遼府有大于越無職掌班百僚上非有大軍功者不授南面置三師府太師太傅太保少師少傅少保又有三公府太尉司徒司空公師府有掌印官一人金三師太師太傅太保正一品師範一人儀刑四海三公太尉司徒司空正一品元三公太師太傅太保各一員太祖十二年以國王置太師一員太宗建三公其拜置歲月皆不可考世祖僅置太保一員至成宗武宗以後三公並建無虛位又有

大司徒大司空大尉之屬或開府或不開府東宮嘗置三師三少亦不恆有也時馬祖常上言司徒司空皆古三公人臣之極位近歲沈宗攝汪元昌輩亦受司空司徒恐貽天下口實非便仁宗延祐五年監察御史言比年名爵濫冒太尉司徒國公接迹于朝近禮部奉旨鑄太尉司徒司空等印二十有九載在史冊貽笑將來請自今闕闕貴重勳業昭著存留一二餘並革去制可明初設三公府李善長徐達以丞相兼太師太傅常遇春以上公贈太保三孤無兼領者太祖建五等爵以贈勳臣及文武之死綏者而公孤絕不以爲贈太宗罷公孤官仁宗復設太師太傅太保曰三公少師少傅少保曰三孤無定員專授爲勳戚文

武大臣兼官加官贈官文官惟贈三公其贈三孤則自姚  
廣孝等始宣宗寵夏原吉欲爵之而不果特崇以太師蹇  
義因之文臣贈三公自原吉始黔公沐斌薨特優以太師  
黔臣贈三公自黔公斌始周太保尚文邱都督懋一崇以  
太師一崇以少師武弁贈公孤自尚文懋始少詹鄒濟贊  
善王汝玉爲仁庶舊官臣故卽位贈以太子少保文臣贈  
東宮大僚自濟汝玉始王一寧以閣臣得太子太師三品  
贈得三太自一寧始

九卿沿革表

周 兩漢 魏 晉 南朝北朝 隋 唐 宋 遼金 元 明

少師少太常秦漢初元太常  
傳少保官漢帝年改爲

宋齊因後魏爲太常寺龍朔二祥符中  
舊梁大上卿伍煬帝置年改爲別建禮太常寺儀院  
堯南面太常總大都尙  
書爲大



馬三孤改爲泰年改爲

常爲春少卿北少卿二

奉常光祿院天卿少卿

大卿合

常以帝太常

卿視光齊曰太人

宅元年聖中太金皇統

都察院

更名太

祿大夫常寺後

改爲司常寺其三年始

爲七卿

常

陳因之同人宗

祿後復禮院事置太常

加通政

泰初元哀帝興

宋齊因後魏置開皇三龍朔二初判寺遂改爲先祿寺

寺爲九

合武帝年復爲齊元年

舊梁除光祿卿年廢寺年改爲事一人崇祿寺隸宣徽

更名光

祿勳後

勳字謂北齊曰入司農司尉光元豐中金不殿院

漢建安

未復爲

齊康元卿陳同益尉闕煬帝加改司膳卿

卿

冢宰司衛尉秦與漢同

江左不

宋孝武後魏因開皇三龍朔二元豐中

徒宗伯官御史

復置梁舊北齊年廢寺年改爲置卿少改爲衛

十年立司農太

司馬司更名中

衛尉卿曰衛尉入太常司尉北齊中興尉司

衛尉院府三官

冠爲六大夫令

視侍中寺

二十四改宗正

正卿

復爲衛

年罷寺曰宗

時後漢  
高尉廟

木常寺  
木侯寺  
鳩摩寺

太僕周與漢同

元帝省

宋齊不復魏兼楊帝加

龍湖改太僕寺遂南面至大四徙存

官漢因

太僕

常置梁置少卿置少卿

司駁光中與省太僕寺年定木名官

之王莽

太僕卿北齊曰

宅改司并入兵金亦有僕寺卿其舊

改爲木

親黃門太僕寺

僕後復部

御後漢

侍郎陳後周依

之

復爲木

因之

卿

僕

宋齊因後魏廷楊帝加龍湖改大理寺塔南面至元二

大理寺塔南面至元二

大理古黃初元廷尉

舊梁初尉北齊置二少

大理寺塔南面至元二

官奏爲年改爲

廷曰大大理寺卿

大理寺塔南面至元二

因之

理天監後周利

同宋制升爲

帝改爲

元年復部中大

金天德樓府至

帝復爲

爲廷尉夫

大理寺置木監

廷尉後

陳因之

少監

漢建安

爲

大理寺置木監

中復爲

爲

大理寺置木監

大理

爲

大理寺置木監

大理寺

大理

宗正秦宗正卿咸寧三宋齊不後魏北宗正卿龍朔改宗正寺遷北面大宗正

官漢因年宗置梁天齊宗正為司宗太宗正大楊陞府至元

之平帝師東晉監七年卿少卿司屬後後卿一宗正寺官十員

更名宗省井入後置陳後周宗復為宗人金曰大

正後漢太常因之師中大夫正卿陸親府

宗正卿一人

祭典各太鴻臚大鴻臚宋齊同後魏大文帝廢龍朔改鴻臚寺並南面無

令漢改為鴻臚東晉有東晉梁鴻臚北而復置為同文元豐置鴻臚寺

建中六年改大寺權置除大字齊鴻臚煬帝加光宅改卿少卿金不置

行令太初復為省卿事舉則曰鴻臚寺後周置二少司漢後中興不

大鴻臚復漢卿善部中卿復為鴻臚

一人

少府秦少府卿哀帝省宋齊少後魏改楊帝加龍朔改太府寺並南面太府監

官漢因并丹陽府幽州少府為置少卿為外府元豐置太府監太卿大

之為九尹考武置太府太府北二人又光宅改卿少卿金太府監少監

卿後漢卿而少齊曰太府太府司府後建炎罷監

少府卿府為夏府寺後為少府後為太紹興復少監

一人

卿陳因周太府監  
之中大夫

府寺亦置  
有少府監

秦治東黃初元哀帝省宋齊同後魏大司農寺龍朔二司農寺總南面至元七月初改

力史選年改大并都水晉梁司農北煬帝加年改爲建炎三司農寺年置大司農司

景帝改司農 孝武後魏卿位齊司農置二少司稜光年罷紹金興定司農司後并歸

爲大農 置 魏駙騎寺後周卿 宅初復興復置二年改後改爲戶部

今武帝 常侍司農上 爲司農 立司農司農寺

更名大 因之士 肉 司大司 農一人

司農後 爲定矣 爲一人

中改爲 大農

記曰外有九宮九卿朝焉九卿之名肇于夏后氏王制天

子九卿鄭康成以爲夏制是也伊尹對成湯亦稱九卿通

寒暑周以三孤卿並六官正卿謂之九卿故周禮列九棘

之班位焉自秦變三代之制漢因之以太常光祿勳衛尉

太僕廷尉大鴻臚宗正大司農少府爲九寺大卿後漢以太常光祿勳衛尉三卿屬太尉太僕廷尉大鴻臚三卿屬司徒宗正大司農少府屬司空多進爲三公各有署曹掾史九卿有疾使者臨問加賜錢布魏九卿與漢同晉以太常等九卿兼將作大匠太后三卿大長秋皆爲列卿各置丞功曹主簿五官等員太康四年增九卿禮秩宋齊及梁初皆因舊制梁武帝天監七年以太常卿加置宗正卿以大司農爲司農卿三卿爲春卿加置太府卿以少府爲少府卿加置太僕卿三卿爲夏卿以衛尉爲衛尉卿廷尉爲廷尉卿將作大匠爲大匠卿三卿爲秋卿以光祿勳爲光祿卿大鴻臚爲鴻臚卿都水使者爲大舟卿三卿爲冬卿

凡十二卿皆置丞及功曹主簿後魏又以太常光祿勳衛尉爲三卿太僕廷尉大鴻臚宗正大司農少府爲六卿各有少卿北齊以太常光祿衛尉宗正大僕大理鴻臚司農太府爲九寺置卿少卿丞各一人隋九寺與北齊同煬帝降光祿以下入寺卿階品而少卿各加置二人唐九寺與北齊同卿各一人少卿各二人龍朔二年改九寺名卿皆加正後各復舊自漢以來九卿皆數少府北齊及隋則不數後漢省衛尉東晉及宋齊省太僕齊宋以前無太府宋初雖有九卿皆以爲命官品秩而無職事元豐正名始有職掌中興併省冗職除太常寺大理寺不置外宗正以太常兼而衛尉太僕併兵部太府司農併戶部光祿鴻臚併

禮部紹興復置宗正太府司農餘遂廢遺金元三代大抵沿唐宋舊制諸卿所居曰寺曰監曰院曰司遼無衛尉而設衛最悉金省光祿太僕鴻臚三卿元罷鴻臚少府並其職於他官又改衛尉寺爲衛尉院旋遂廢罷明初以六部尙書任天下事侍郎貳之其糾劾則責之都察院章奏則達之通政司平反則參之大理寺亦謂之九卿而都察院權尤重與六部埒又謂之七卿論者以爲得周漢遺意至司農衛尉少府明既不設又改宗正寺曰宗人府雖存九卿之名而官多非其舊云

杜佑曰三代以上分置六卿至秦及漢雖事不師古猶制度未繁後漢有三公九卿而尙書之任又益重矣魏晉以

降職制日增後周依周禮制六官而年代短促人情相習  
已久不能革其視聽故隋氏復廢六官多依北齊之制官  
職重設庶務煩滯加六尚書似周之六卿又更別立寺監  
別戶部與太府分地官司徒職事禮部與太常分春官宗  
伯職事刑部與大理分秋官司寇職事工部與將作分冬  
官司空職事其餘百司之任多類於斯欲求理要實在簡  
省

廿二史攷異漢以太常光祿勳等爲九卿而官名無卿字  
魏晉宋齊並因漢制梁武帝增置十二卿始于官名下繫  
以卿字今晉書諸傳間有稱某卿者如王覽傳以覽爲宗  
正卿何遵傳遷太僕卿衛瓘傳轉廷尉卿司馬允之傳追



贈太常卿山濤傳除太常卿何攀傳廷尉卿諸葛冲摯虞  
傅父模魏太僕卿虞爲衛尉卿太常卿周浚傳父斐少府  
卿卞敦傳父浚歷位廷尉卿謝安傳父良太常卿孫綽傳  
廷尉卿皆唐初史臣不諳官制率意增加非當時本稱

六典通考卷五

湖西閩鎮珩輯

設官考

邦國之官

生人之初未有君長嗜慾既啟爭亂斯萌乃就其能斷  
曲直者而聽命焉德大者爲之天子功高者爲之諸侯  
其餘各量賢能所宜授以卿大夫士自黃帝畫埜分州  
置左右大監監於萬國唐虞之世有九牧百辟遣吏治  
國或出自天子孟子論象封有庠之事是也夏書曰道  
人以木鐸徇于路官師相規工執藝事以諫其或不恭  
邦有常刑又曰嗇夫馳庶人走義和尸厥官若罔聞知

是時太康失德諸侯離叛有窮之后曰羿因夏民以代政棄其良臣武羅伯姻熊髡龍圍而信寒泥泥伯明氏之讒子殺羿桃林而取其室生奭及豷實滅斟斟斟尋封奭于過封豷于戈恃其武力不恤民事夏有貴臣曰靡因有鬲氏收斟尋而滅過戈遂輔后相復禹舊業其後桀爲不道韋顧昆吾相輔作奸謂之三孽伊尹有莘氏之媵臣也佐湯伐夏九有咸歸于是建國三千立官五等諸侯之上大夫曰卿下大夫上士中士下士大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人小國二卿皆命於其君下大夫五人上士二十

七人

命於天子者天子選用之如今詔書除吏是矣小國亦三卿一卿命於天子二卿命於其君此文似

誤脫耳或者欲見

次國之上卿位當大國之中中當其

下下當其上大夫小國之上卿位當大國之下卿中當

其上大夫下當其下大夫

此諸侯使卿大夫類聘並會之序也其爵位同小國在下

爵異固

在上耳其有中士下士者數各居其上之三分

謂其為介若特

行而並會也居猶當也此據大國而言大國之士為上

次國之士為中小國之士為下士之數國皆二十七人

各三分之上九中九下九以位相當則次國之上士當

大國之中中當其下小國之上士當大國之下凡非命

士亦無出會之享春秋傳謂士為微天子使其大夫為三監監於方伯之

國國三人孔穎達曰殷之方伯皆有三人輔之監所領

夫為三監故燕禮云設諸公之坐鄭云公孤也大國孤

公一人而云諸公者容牧有三監然則天子於州牧之

國別置三大夫以輔之其祿視諸侯之卿其爵視次國

之君尚書使管叔蔡叔霍叔為三監為武庚也與此別

猶黃帝四監之遺制也周初古公肇邑于岐作五官有  
司民皆歌樂之鄭元以五官爲殷之制左氏亦云職官  
五正封于夏墟五正卽五官也大雅綿之詩曰乃召司  
徒乃召司空孔穎達說以爲周自后稷封郃爲上公至  
太王爲殷大邦宜備三卿司徒司空並卿官也不言司  
馬者以營國之功職無與焉當文武未伐紂以前有司  
徒司馬司空亞旅師氏見于牧誓常伯常任準夫牧人  
見于立政又有虎賁綴衣趨馬小尹左右攜僕百司庶  
府大都小伯藝人表臣太史尹伯庶常吉士千夫長百  
夫長皆官名之徵著者也

冢卿三老三吏見逸周書

及周公相成王

裁定官制其屬三百有六十大抵在王朝畿內于侯國

無與也惟秋官大行人及春官典命稍著其交際之禮  
與其命數而職事則無聞焉春秋距成周數百年矣列  
國官制附見左史猶得什一於千百雖或羣后僭竊妄  
有增改然規模不甚相遠也王制大國之卿命於天子  
大夫以下皆其君自命案宣十六年晉侯請王命士會  
爲太傅是卿命於天子之證也鞏朔晉上軍大夫而王  
謂其未有職事於王室是大夫不命於天子之證也周  
制諸侯兼官司徒兼冢宰司馬兼宗伯司空兼司寇故  
左傳季孫爲司徒叔孫爲司馬孟孫爲司空而魯復有  
羽父爲太宰夏父弗忌爲宗伯則當時僭擬非周制矣  
左氏紀晉事職官雜見孔氏爲疏證明之如御戎當周

戎僕司士當周司右騶當趣馬公族當諸子公路當巾  
車本末燦然可攷其名或出天子或列國自命不可得  
而知矣至陳宋均立太宰以其爲三恪之後而吳楚亦  
有之則僭王耳秦始罷侯置守盪滅古制自漢及明封  
建或行或否然親藩之畧時有輔佐之哲綜攷其同區  
別其異原出周禮因時變更亦論古者所不遺也

太宰之職掌建邦之六典以佐王治邦國一曰治典以經邦

國二曰教典以安邦國三曰禮典以和邦國四曰政典以平

邦國五曰刑典以詰邦國六曰事典以富邦國

大曰邦小曰國邦亦曰國

典常也經也法也王謂之禮經常所乘以治天下也邦國官府謂之禮法常所守以爲法式也常者其上下通名詰猶禁也書曰度作詳刑以詰四方以九兩繫邦國之民一曰牧以地得民二曰

長以貴得民三日師以賢得民四曰儒以道得民五日宗以

族得民六曰主以利得民七曰吏以治得民八曰友以任得

民九曰數以富得民

兩籍稱也所以協耦萬民繫聯綴也牧州長也九州各有封域以居民也長諸

侯也一邦之貴民所仰也師諸侯師氏有德行以教民者儒諸侯保氏有六藝以教民者宗繼別爲大宗收族者鄭司農云主謂公卿大夫世世食采不絕民稅薄利之元謂利讓如上思利民之利謂以政教利之吏小吏在鄉邑者友謂同井相合耦德作者孟子曰鄉田同井出入相友守望相助疾病相扶持則百姓親睦數亦虞掌其政令爲之厲禁使其地民守其材物以時入于王府頌其餘於萬民富謂數中材物鄭伯謙曰或問九兩曰牧曰長

吏皆助君分理其得民宜已至如師儒宗族朋友及山林藪

澤之豪豈嘗有位於朝有祿於國而均之曰得民何也曰此

先王防患之深意也夫王畿之外公侯伯子男皆牧伯也王

畿之內鄉遂都鄙其官皆長吏也卿有邦縣公有邦都其人



皆主也牧伯有分地公卿有采地長與吏無地而食其祿專其政則民亦有以悅其治夫蚩蚩之民聚必以類分必以羣不爲兩則渙散四出勢不可合是以牧長主吏先王各使之繫其民而聽其兩不可縱也聽其兩而縱其民他日有懷詐怵邪傾側擾攘者出於其閒則逆節之萌將何以制之先王於是有師儒朋友宗族豪富之兩參互於其閒昔者孔孟布衣匹夫而衣冠禮樂師表一世門弟子不遠千里而從之雖饑寒流落濱死不去此師以道得民也庚桑子居畏壘人相與尸而祝之社而稷之陽城居於晉之鄙薰其德而善良者幾千人此儒以道得民也商之七族宋戴武莊齊諸田楚懷屈率以強宗大族繫屬人心若漢郭解之遊俠輕財重義出

萬死一生以救人之急則民心爭慕恐後蜀卓氏孔氏程鄭  
刁開之徒占山林藪澤之利富比封君隱民間取食焉此三  
者以族以任以富而得民也後世王制不明徒爲之牧長主  
吏而所謂朋友富豪大族未嘗過而問焉至州縣守令大抵  
以辦財賦爲職而得民之道無一人經意故秦漢以來番令  
吳芮南海尉佗得江湖嶺海之人心遂王其地魏其武安招  
致賓客傾動天下吳王濞擅山海之利賦不及民拊循招納  
而山東七國之變相挺矣由不知九兩繫民之說而失先王  
防患之意也

論曰天下之情近易給而遠難周王畿雖曰千里然鄉  
遂之小吏得以其情進言于天子而天子又自以歲時

臨問之故民與國常爲一體無待乎立法以相繫也至于九服以外遠者乃數千萬里其情睽而難通其勢渙而易離建之牧樹之長董之以師儒馭之以政教固宜民之尊且信矣然而相生相養之道猶或有未盡焉是故饒之以藪澤之富聯之以宗子之恩拊之以慈愛之吏有無相通而任恤之風行緩急相助而親睦之誼篤民之朝夕與接于耳目者非其父兄族人卽其婚姻故舊雖有疾病札喪不以重累其心雖有饑饉兵革不忍輕去其鄉其視祖宗邱墓之所斯須不可或離夫然後能與國社共存亡而長爲不怨不叛之民焉後世人心旣偷里俗寢薄雖父子兄弟終日聚處而無綢繆渥洽

之意上之政教既不足以服其心下之生業又不足以  
庇其身平居無事徒手惰遊蒲博飲酒以爲笑樂而其  
心常不可測一遇水旱流移相率爲盜剽劫四起嗚呼  
由秦漢以來上之所以繫其民與民之所以自繫其身  
者有如周官九兩之法者乎無怪乎治世少而亂世多  
也

乃施典於邦國而建其牧立其監設其參傳其伍陳其殷置  
其輔乃者更申教之以侯伯有功德者加命作州長謂之牧  
所謂八命作牧者監謂公侯伯子男各監一國書曰王  
啟監厥亂爲民參謂卿三人伍謂大夫五人鄭司農云殷治  
律輔爲民之平也元謂殿眾也王制諸侯上士二十七人其  
中士下士各居其上之三  
分輔府史庶人在官者也崔靈恩曰諸侯三卿司徒兼冢宰  
司馬兼宗伯司空兼司寇五大夫者司徒之下立二人小宰

小司徒司馬之下立一人爲小司馬兼宗伯之職司空之下立二人小司寇小司空孔子世家定公九年孔子由司空爲大司寇蓋由小司空爲小司寇也而言大司寇者諸侯惟一司寇故亦稱大司寇 典命掌諸侯之五儀諸臣之五等之

命

五儀公侯伯子男之儀五等謂孤以下四命三命再命一命

命不命也或言儀或言命互文也故書儀作義鄭司農云義讀爲儀 疏諸侯之下無一命以至五命則臣有五等通不命也公之孤四命以皮帛眡小

國之君其卿三命其大夫再命其士一命其宮室車旗衣服禮儀各眡其命之數侯伯之卿大夫士亦如之子男之卿再命其大夫一命其士不命其宮室車旗衣服禮儀各眡其命之數

視小國之君者列於卿大夫之位而禮如子男也鄭司農云九命上公得置孤卿一人春秋傳曰列國之卿當小國之君周制也元謂王制曰大國三卿皆命於天子下大夫五人上士二十七人次國三卿二卿命於天子一卿命

於其君下大夫五人上士二十七人小國二卿皆命於其君

下大夫五人上士二十七人疏大司馬云大國三軍次國

二軍小國一軍軍將皆命卿謂得天子之命得爲軍將也宮

室之等四命者四百步或車四乘旗四旂冕服四章三命以

下各以命數爲降殺但大夫玄冕一命者一章裳上刺繡而

已衣無章故得玄名也則冕亦象衣無旒其土服爵弁並無

章飾是以變冕言爵弁也諸侯之大夫一命亦無貳車

命已上卽有貳車士雖一命亦無貳車鄭鍔曰公之孤四

命比天子之大夫天子之大夫出封爲子男故得視子男之

命比天子之卿再命比天子之中士大夫一命比天子之下士

士不命當亦比一命之士以爲之儀而減殺焉否則與庶人

未仕者等矣王氏詳說曰此經侯伯之卿大夫命數與公之

卿大夫同與王制異蓋王制所言夏商之制大

國無孤其卿不得與次國異至周則大國有孤次國無孤是

以降於大國一等矣故卿大夫不嫌同也亦或記禮者據春

秋傳而爲之說歟司士凡邦國三歲則稽士任而進退其爵祿其

所掌 大行人以九儀辨諸侯之命等諸臣之爵

九儀謂命者五公侯

伯子男也爵者四  
孤卿大夫士也

凡大國之孤執皮帛以繼小國之君出入

三積不問壹勞朝位當車前不交擯廟中無相以酒禮之其

他皆眡小國之君

鄭志趙商問大行人曰凡大夫之孤執皮帛所尊眾多下云其他眡小國之君以五

爲節今此亦五下云諸侯之卿各下其君二等以下注云公使卿亦七侯伯亦五子男三不審大國孤五而卿七何答曰

卿奉君命七介孤尊更自特見故五介此有聘禮可參之未

之思耶反怪此更張擯介又繼小國之君非私觀也商又問

大行人職曰孤出入三積此卽小國同眡小國之君何須特

云三積與例似錯答曰三積亦然非獨孤也故不在眡小國

之中與例似錯何所據也凡諸侯之卿其禮各下其君二等以下及其大

夫士皆如之此亦以君命來聘者也所下其君者介於朝位

介侯伯五介子男三介是謂使卿之聘之數也朝

文獻通考王制云殷時天下諸侯國千七百七十三內大國二百四十九次國五百一小國一千二十三內大國次國則皆三卿五

下大夫二十七上士唯小國二卿其大夫與士如大國次國之數大凡列國卿大夫士有六萬一千三十二人

沈彤周禮外諸侯官數考上公六等自孤而下侯伯五等子男四等皆自卿而下其數公之孤一人卿三人下大夫五人上士二十七人中士下士各若干人侯伯之卿大夫士如之子男之卿大夫亦如之士則上二十七人下若干無中上公爲大國三鄉三遂卿鄉大夫三人下大夫州長十五人遂大夫三人凡十八人上士黨正七十五人縣正十五人凡九十八人中士族師三百七十五人鄙師七十五人凡四百五十人下士閭胥千五百人鄼長三百七十五人凡千八百七十五人其野二百二十六縣千一百三十



鄙中士爲縣正下士爲鄙師各如縣鄙之數侯伯爲次國  
二鄉二遂卿鄉大夫二人下大夫州長十人遂大夫二人  
凡十二人上士黨正五十人縣正十人凡六十人中士族  
師二百五十人鄙師五十人凡三百人下士閭胥千人鄩  
長二百五十人凡千二百五十人其野侯百四十四縣七  
百一十九鄙伯七十二縣三百六十一鄙皆中士爲縣正  
下士爲鄙師各如其縣鄙之數子男爲小國一鄉一遂卿  
鄉大夫一人下大夫州長五人遂大夫一人凡六人上士  
黨正二十五人縣正五人凡三十人下士族師百二十五  
人鄙師二十五人凡三百五十人其野子三十一縣百五  
十五鄙上士爲縣正下士爲鄙師各如縣鄙之數男一鄙

下士爲鄮師如其數通計上公三千八百二十八人侯千

五百二十二入伯二千有九十二人子四百有八人男二

百一十三人其他有爵官及婦官及在官庶人女給事之

在內外諸侯者數皆無考

何以知上公一孤典命云公之孤四命註以爲九命上公得置

卿一人也何以知子男無中士春秋公羊傳云古者上士下士明中士非周官初制也公羊所云通指諸侯伯亦無中士之子男何也曰惟子男不當有中士謂公侯伯亦無中士傳之誤也王畿之鄉遂比長里宰以下士而大國次國乃無爵何也曰降王畿一等也王制云諸侯之上大夫卿下大夫上士中士下士凡五等是其國不設中大夫故州長遂大夫知並以下大夫爲之遞降而下則下士適當閭閻鄮長矣小國之間胥鄮長何以知非下士也曰小國無中大夫且無中士則下適當爲族師鄮師又降大國次國一等也大國次國之野皆中士爲縣正下士爲鄮師何以知之曰野在遂外降於遂一等遂之縣正鄮師以上中士則野之縣正鄮師以中下士明矣小國之野上士爲縣正下士爲鄮師不於遂嫌乎曰小國之野其鄮師亦掌五百家政令義無不以下士者而中士本無則縣正亦不得下

上士  
矣

周家外諸侯官數經無明文杜君卿通典馬貴與通攷  
但標舉成數而未嘗分晰言之近吳江沈氏作祿田考  
準王官之數以推見外官之數言之鑿鑿足補注家所  
未備

大射禮小卿賓西東上

小卿命於其君者也席於賓西射禮辨貴賤也諸公大國有孤卿一人與

君論道亦不典職如公矣

燕禮小臣戒與者

曾子問太祝裨冕小宰舉

幣升

太祝以大夫爲之幣是小宰所主故周禮小宰職云太宰凡祭祀贊幣玉爵喪荒受其含祴幣玉之事是也

宰太宗皆裨冕少師奉子以衰

太宰主敎令之官太宗主宗廟之官少師主養子之官

詩序簡兮刺不用賢也衛之賢者仕於伶官皆可以承王

事者也

箋伶官樂官也伶氏世掌樂官而善焉故後世多號樂官爲伶官疏周禮大司樂中大夫二人樂師下

大夫四人上士八人下士十六人此天子之官也諸侯禮亡其官屬不可得知燕禮注云樂正於天子爲樂師則諸侯有樂正之屬乎祭統曰尸飲酒以散爵獻士下言祭之未乃賜之一爵又非士也蓋爲樂正之屬祭廟教國子皆在舞位則爲舞人也周官司樂樂師其左手執籥右手秉翟赫如渥赭下無舞人此諸侯官有之

公言錫爵

傳祭有畀燿胞翟闞寺者惠下之道見惠不過一散疏祭統燿者甲吏之賤者炮者肉吏之賤者

翟者樂吏之賤者闞者守吏之賤者注云燿周禮作鞞蓋謂燿皮革之官周禮鞞人爲鼓胞人爲甲禮記是諸侯兼官故鞞爲甲吏也胞卽周禮庖人其官次於鞞人周禮鞞人亡東庖人中士四人下士八人庖人於天子爲士於諸侯非士東

方未明刺無節也朝廷興居無節號令不時挈壺氏不能掌

其職焉

疏天子備官挈壺掌漏雞人告時諸侯兼官不立雞人故挈壺告也庭燎箋云王有雞人之官鄭意以

爲唯王者有雞人諸侯則無

魏詩美無度殊異乎公路美如英殊異乎公

行美如玉殊異乎公族

箋公路主君之旄車庶子之官也晉趙盾爲旄車之族是也公行從公之

行者主君兵車之行列公族主君同姓昭穆也疏宣二年晉成公乃宦卿之適子以爲公族又宦其餘子亦爲餘子其

庶子爲公行趙盾請以括爲公族公許之冬趙盾別爲耗車之族是其事也服虔云耗車戎車之倅杜預云公行之官是也其公族則適子爲之掌君宗族公族公行諸侯之官故魏晉有之周禮六官無公族公行是天子諸侯異禮也

國語衛武公箴傲於國曰自卿以下至於師長士苟在朝者

無謂我老耄而舍我必恭恪於朝朝夕以交戒我在輿有旅

賁之規

規規諫也旅賁勇力之士掌執戈楯夾車而趨車止則持輪

位亡有官師之典

中庭

之左右謂之位門屏之間謂之亡師長也典常也

倚几有誦訓之諫

誦訓工師所誦之諫書之於几

也居寢有誓御之箴

誓近也臨事有誓史之道

事戎事也誓樂太師掌詔吉凶

史太史也掌詔禮事

宴居有師工之誦

誦謂箴諫也誦謂箴諫也

史不失書矇不失誦

以訓御之

左傳諸侯有卿卿置側室

側室支子之官

大夫有貳宗

貳宗宗子之副貳者

士有朋友庶人工商皂隸牧圉皆有親暱以相輔

助佐也善則賞之過則匡之患則救之失則革之自王以下

各有父兄子弟以補察其政史爲書謂太史君警爲詩警者爲

詩以諷刺工誦箴諫工樂人誦大夫規誨士傳言士卑不得徑達

大庶人謗商旅于市旅陳也陳其貨物百官獻藝獻其技藝

故夏書曰道人以木鐸徇于路逸書道人行人之官也木鐸

官師相規官師大夫工執藝事以諫所謂正月孟春於是乎

有之 叔孫卒杜洩將以路葬且盡卿禮南遺謂季孫曰叔

孫未乘路葬焉用之且豕卿無路介卿以葬不亦左乎豕卿

孫介次也季孫曰然使杜洩舍路不可曰夫子受命於朝而

聘於王王思舊勳而賜之路復命而致之君君不敢逆王命

而復賜之使二官書之吾子爲司徒實書名夫子爲司馬工

正書服孟孫爲司空以書勳今死而弗以是棄君命也書在

公府而弗以是廢三官也乃使以葬 晉人來討叔孫婼如

晉晉人執之晉人使與邾大夫坐叔孫曰列國之卿當小國

之君固周制也

在禮卿得會伯子男故曰當小國之君

邾又夷也寡君之命介

子服回在請使當之不敢廢周制故也乃不果坐 衛侯使

孫良夫來聘且尋盟公問諸臧宣叔曰中行伯之於晉也其

位在三孫子之於衛也位爲上卿將誰先對曰次國之上卿

位當大國之中中當其下下當其上大夫小國之上卿當大

國之下卿中當其上大夫下當其下大夫上下如是古之制

也古制公爲大國侯伯爲次國子男爲小國

衛在晉不得爲次國

春秋時強弱爲大小故衛雖侯

爵猶爲小國

晉爲盟主其將先之

計等則二人位敵以盟主故先晉

徐自明曰春秋列國之卿藉口當小國之君每以臣敵君

偃然主盟會而不辭垂隴之盟三國之君在焉而士穀專之新城之盟七國之君在焉而趙盾專之棠林之師四國之君帥師會晉大夫而不以爲歉馴至眾大夫爲溴梁之盟以傲其上皆始事之驗也然後知先王正名定分防微之意深矣魯成公時晉荀庚位下卿衛孫良夫位上卿皆來盟臧宣叔言衛在晉不得爲次國而後衛晉衛皆侯爵而以強弱爲大小非也其時士大夫雖能言周禮而移於習俗巧爲附會左氏反以爲禮何哉

### 列國官制

魯

祝宗卜史

注大祝宗人大卜史凡四官

備物典策官司彝器命以伯

禽而封於少皞之虛

有虞氏官五十夏后氏官百殷二百



周三百凡四代之官魯皆兼之

孔穎達曰案太宰職諸侯惟有三卿五大夫故公羊傳司

徒司空之下各有二小卿司馬之下有一小卿是三卿五大夫也今魯雖得被褒崇何得備立四代之官當成王時褒崇於魯四代官中雜存官職名號是使魯有之非謂魯得備其數

蔡叔度既遷而死其子曰

胡改行率德馴善周公聞之舉胡以爲魯卿士

錢大昕曰小司馬据尚書

蔡仲無仕魯之文又謂伯禽居魯乃在七年致政之後疑史公无所據子謂周公封魯在武王未歿以前公既留相王室必遣人往治之則當伯禽未之魯而使蔡仲以卿士治其國何渠不可書云周公以爲卿士既非王朝之卿卽是仕魯之證矣

魯頌三壽作朋

箋三壽三卿也疏老者尊稱天子父稱室老諸侯之國立三卿故知三壽卽三卿也

襄公十一年作三軍三軍者何三

卿也作三軍何以書譏何譏爾古者上卿下卿上士下士

爲軍

置三卿官也卿大夫爵號大同小異方据上卿道中下故總言三卿古者諸侯有司徒司空上卿各一下卿各二司馬事省上下卿各一上士相上卿下士相下卿足以爲治襄公委任強臣國家內亂兵革四起軍職不共不推其原乃益司馬

作中卿官踰王制故譏之徐彥曰古者司馬一官但上卿一  
言軍者本以軍數置之

人下卿一人上士一人下士一人以其事省不作軍將故也  
詩云乃召司徒乃召司空不見司馬故知司馬事省總監而  
已然則司徒卿一人其大夫二人司空卿一人其大夫二人  
司馬卿一人其大夫一人所謂諸侯之制三卿五大夫矣作  
中卿官者謂於司馬內更作一卿官尊於小卿故曰作中卿  
官也

太宰

隱十一年尹父求太宰注天子六卿天官爲太宰諸侯

則并六爲三而兼職焉魯三卿無太宰尹父欲魯特設

是官以榮已耳以後更司徒司馬爲司馬禮弓孟獻子之喪

無太宰知魯竟不立之司徒司馬爲司馬禮弓孟獻子之喪

司徒旅歸四布孔疏孟氏家臣司徒敬子左傳叔孫氏之司

馬駸反是家臣亦有司馬司徒也又季孫使公鉏爲馬正注

馬司司空隱二年司空無駸昭四年孟孫爲司寇文十八年

司空注司空書勳是諸侯之法

司寇出諸竟臧宣叔武仲皆官  
司寇顧炎武謂臧紇爲小司寇

秦蕙田曰魯自成襄以後司徒司馬司空三卿常以季孟  
叔三家居之而子叔氏臧氏亦以世卿見於春秋又如成  
二年戰於鞍季孫行父臧孫許叔孫僑如公孫嬰齊四卿  
並行其時尚有仲嬰齊仲孫蔑兩卿則魯亦有六卿但其  
官名惟臧孫許知是司寇餘二卿則不可攷耳冉求稱孔  
子爲國老而孔子之卒書於魯史蓋昭定之世臧氏漸微  
故以孔子代之崔氏以爲小司寇者疑非然也

宗伯

文二年夏父弗忌爲宗伯注宗伯掌宗廟昭穆之禮

人掌祭祀之禮家宗人掌家祭祀之禮定四年傳稱魯公之  
封有祝宗卜史杜氏解宗爲宗人魯語哀姜至公使大夫宗  
婦觀用幣宗人夏父展曰非故也韋注宗人宗伯也則  
魯之宗人亦謂之宗伯蓋其所掌與周官小宗伯同

春秋諸國皆不立宗伯或以爲有禮事卽轉小司馬爲

宗伯如燕射之轉司馬爲司正者亦無確據哀二十四年使宗人

魯夏注云宗人禮官疑卽大宗之官

工正

昭四年工正書服注車服之器工正所書

左宰

襄七年公鉏出爲公左宰注出季氏家臣仕於公願棟

高曰魯有左宰卽當復有左宰然不知其所掌何職也

宰

邑大夫

文十五年卽當復有左宰然不知其所掌何職也

注云邑大夫襄十年聊人紇正義曰公邑大夫

縣人

昭四年縣人傳之注云縣人遂人遂大夫而無縣人疑諸侯縣大夫卽謂之縣人也

人遂大夫而無縣人疑諸侯縣大夫卽謂之縣人也

成二年衛新築人仲叔于奚注曰守新築大夫昭二十

一年宋廚人濮注曰廚邑大夫是邑大夫通稱爲人也

隧正

襄七年叔孫昭伯爲隧正注隧正主徒役疏云周禮之遂人

正夫

襄二十三年臧孫使正夫助之注正

夫隧正疏云隧正屬司下大夫之注云魯掌卜大夫

大夫

閔二年卜楚邱之父卜

卜士

桓六年卜士負之注 行人 文四年甯武子來聘使行人私焉

卜士之妻為乳母 行人 正義曰周禮大行人掌大賓之禮

大客之儀小行人掌使適四方協賓客之禮 外史 襄二十三年

諸侯行人當亦通掌此事故為通使之官 外史 襄二十三年

外史蓋魯亦立此官也按尚書諸侯得有內史則亦有外史

樂師 襄二十八年使工誦茅鴉注 工樂師 二十九使工歌

師上士四人其下有書陳之屬鄭注云凡樂之歌必使瞽矇

為焉命其賢智者以為太師少師魯論有太師摯少師陽而

傳無之今案昭九年傳屠蒯酌以飲工而檀 太史 昭二年觀

疏云太史職掌書籍必有 巫 倍二十一年公欲焚巫庭注巫

藏書之處若今之秘閣 巫 庭女巫也 止義曰周禮女巫職

引此傳為證又襄二十九年使巫以桃菊先祓殯注巫接神

之官周禮喪祝王弼則與 祝 史 昭十七年祝史請所 司 歷 襄

巫前鄭司農引此傳為證 祝 史 昭十七年祝史請所 司 歷 襄

十七年司 大匠 襄四年匠慶謂季文 工 師 定十年叔孫謂邱

歷過也 大匠 襄四年匠慶謂季文 工 師 定十年叔孫謂邱

工匠 圍人 莊三十二年圍人之壯者是家臣之圍人也 定 司

之官 圍人 莊三十二年圍人之壯者是家臣之圍人也 定 司

宮

昭五年司

虞人

定八年虞人以鉞盾夾之

賈正

昭二十五年使臧會爲

之賈師其職各掌其次之御駟

襄二十三年孟氏之御駟豐

貨賄之治此邱氏賈正也御駟

點注駟是掌馬之官蓋兼掌

御士謂

御士書注公御士

魯有公御戎右莊九年秦子梁子以公旗辟於下道注

二子公御及戎右也又檀弓縣賁父御卜國爲右亦其

類也左傳哀十一年管周父御樊遲爲右則私家之御

及戎右皆以家臣爲之哀十四年孫叔之車子鉏商疏

車車士王肅家語注云車士主校車者也此則大夫之

主車

饗人

昭二十五年季似與饗人檀通注饗人食官

府人

昭三十二年子家反賜與於府人

宰襄七年南

遺爲費宰論語注原憲爲孔子家邑宰顧棟高曰宰本家臣之名而邑長亦稱宰正義曰公邑稱大夫私邑稱宰然昭

二十六年傳成大夫公孫朝私邑亦稱大夫哀馬正定十年

八年傳王犯嘗爲武城宰是公邑亦稱宰也公南爲

馬哀公三年桓僖災南宮敬叔至命周人出御書俟於宮注

正人司周書典籍之官注宰人家子服景伯至命宰人出禮書宰之屬

御書近於君者也注校人掌馬校人乘馬巾車脂轄巾車掌車公服文伯至命校人駕乘

車周世禕曰侯國官制但有司徒司馬司空而無太宰宗伯

司寇牧誓酒誥立政諸篇皆同及攷左傳諸國皆有司寇

而魯有夏父弗忌爲宗伯國語單子過陳篇稱宗祝執祀

司寇詰好似侯國雖無太宰而仍有宗伯司寇何也蓋侯

國本無此二官左傳所言乃東周諸侯之所添設也古者

天子一事設一官諸侯不能備官一人常兼二三事故崔

氏云司徒兼冢宰司馬兼宗伯司空兼司寇及東周時諸侯皆帝制自爲管仲以大夫之家而官事不攝況諸侯乎然三卿舊制終不可沒卽以左傳觀之子產入陳命司徒致民司馬致節司空致地杜洩謂季孫曰吾子爲司徒叔孫爲司馬孟孫爲司空皆三卿並列而不及宗伯司寇其爲添設明矣侯國無太宰惟宋爲王者後故有之若吳楚之有太宰僭也侯國之官但有宗人無宗伯其刑官但有小司寇及士師無大司寇侯國之有宗伯大司寇亦僭也王制三等之國皆有五大夫所謂五大夫者崔氏云司徒之下置小宰及小司徒司空之下置小寇及小司空司馬之下置小司馬也至於宗人並不在五大夫之列按成王



封魯分以祝宗卜史則宗人之秩蓋在卜祝之間

晉中軍謂之政卿卿一人佐一人上軍卿一人佐一人下軍

卿一人佐一人新上下軍新中下軍亦如之三軍或稱三帥

成二年賜三帥先路三命之服或稱大夫宣十二年趙括蒯嬰齊爲中軍大夫鞏朔韓穿爲上軍大夫荀首趙

同爲下軍大夫僖三十三年以箕冀缺爲下軍大夫

晉自曲沃武公以一軍命爲諸侯閔元年獻公作二軍

僖二十三年文公作三軍始爲大國之制二十八年作

三行荀林父將中行屠擊將右行先蔑將左行杜預注

曰晉置三軍今復增置三行避天子六軍之名三行無

佐疑大夫爲之帥三十一年罷三行更爲上下新軍傳

曰作五軍禦狄是也三十三年於五軍十卿之外別立

卻缺爲卿比於天子六卿且將倍之文六年舍二軍復  
三軍之制成三年作新軍杜預曰舊有三軍今增爲六  
軍十六年罷新上下軍新軍惟一凡四軍八卿鄭子展  
所謂八卿和睦是也襄十四年舍新軍左氏曰禮也成  
國不過半天子之軍自此終晉世不改

太傅大師

文六年太傅陽子太師賈佗孔穎達曰太傅尊於中軍之將與太師皆爲孤卿周禮上公之國孤一

人王制諸侯

三卿晉侯爵也而有三軍六卿復傳昭五年傳

有孤二人者

晉爲霸主多置羣官不能如禮楚子稱叔

向爲上大夫

明此以上大夫爲傅也諸侯之有孤卿猶天子

之有三公無

人則闕故隨其本官高下而兼攝之衛冀隆不

意此以士涯

濁叔向等皆爲卿故爲太傅若大夫何得居

之意任妄以

難杜於義非也願棟高曰晉置孤卿已借

年士薦爲大

司徒桓六年申繻曰晉以僖侯名司大司空莊二

司空注卿官

司空文二年司空士毅注晉司空非卿也以毅

六典通考

卷五

七

修士薦之法此以太

司馬

宣十二年韓厥爲司馬

中軍司馬

張臣爲中軍司馬杜

夫爲之非復卿矣

預日中軍司馬晉

上軍司馬定十三年上軍司馬籍秦又襄

大夫之最尊者

又掌諸司寇

襄三年魏絳請歸死於司寇

侯之賦

司寇

襄三年魏絳請歸死於司寇

晉自廢司徒以後諸司皆爲散職或以大夫爲之成二

年注晉司馬司空皆大夫蓋軍中所置司馬若周禮軍

司馬與司馬之類司空主軍中營壘與齊銳司徒辟司

徒相等又國語以中軍司馬爲元司馬上軍司馬爲與

司馬在周禮夏官爲下大夫上士而晉皆大夫則司寇

之職亦必以大夫爲之非復諸侯三卿之例矣

元帥

僖二十三年謀元帥使卻縠將

將軍

日知錄春秋傳晉

上軍太子申

後世元帥之名始此將軍之文而未以爲名也至

昭公二十八年閻沒女寬對魏獻子曰豈將軍食之而不足

正義曰此以魏子將中軍故謂之將軍及六國以來遂以將軍爲官名蓋其元起於此公羊傳將軍子重諫曰穀梁傳使狐夜姑爲將軍孟子魯欲使慎子爲將軍墨子昔者晉有六將軍而智伯莫爲強焉莊子今將軍兼此三者淮南子趙文子問於叔向曰晉六將軍其孰先亡張武爲智伯謀曰晉六將軍又曰魯君召子貢授之將軍之印而國語亦曰鄭人以詹伯爲將軍又曰吳王夫差黃池之會十行一嬖大夫十旌一將軍禮記檀弓衛將軍文子之喪史記司馬穰苴傳景公以爲將軍封禪書杜主者故周之右將軍越世家范蠡稱上將軍世家令太子申爲上將軍戰國策梁王虛上位以故相爲上將軍漢書百官表曰前後左右將軍皆周末官通典曰自漢置大將軍楚懷王與秦戰敗楚虜其大將軍屈丐至漢定戎右桓三年韓萬御戎梁宏爲右僖御戎成十八以官名矣戎右二十八年立舟之僑爲戎右僖御戎成十八周禮六御官之長別有戎僕掌御戎車春秋征伐之時以御戎爲重此御戎當是御之尊者其先恆有定員掌其御御至悼公時始省其常員惟立軍尉之校正主馬之官屬於御官臨有軍事故兼攝之國語作戎御校正戎孔穎達曰周禮人下屬太御此蓋諸司士主右之官屬於車右孔穎達曰美職官或是悼公新法司士春秋之時車右爲尊此司右之士主右之官謂司右也

顧棟高曰卿御正義謂如梁餘子養御罕夷解張御卻克之類今案梁由靡始御里克復御韓簡是亦卿御也春秋時多公自將軍故有公御有卿御然晉將三軍將佐固當各有御右如鄆陵之戰韓厥從鄭伯其御杜溷羅曰速從之卻至從鄭伯其右第翰胡曰謀輅之余從之乘而俘以下厥是下軍之將至是佐新軍宣二年傳晉侯伏甲將攻趙盾其右提彌明知之是有卿御復有卿右也

乘馬御六駟

成十八年程鄭為乘馬御六駟屬焉注乘馬御乘車之僕六駟六閑之駟孔穎達曰乘車之僕

當周禮之僕晉語謂之贊僕當時之官名耳周禮掌駕之官無名駟者襄二十三年傳稱豐點為孟氏之御駟則駟亦御

之類鄭云七駟謂趙軍尉成十八年立軍尉祁奚為中軍馬是為主駕之官

尉國語鐸遏寇為與尉章昭注上軍尉也顧棟高曰案國語以中軍尉為元尉上軍尉為與尉而傳自有與尉襄十

九年傳軍尉與尉皆受一命之服是也又襄三十年傳廢其  
與尉正義曰服虔云軍尉與尉主發眾使民于時趙武將中  
軍若是軍尉當是中軍尉也則中軍尉亦稱與尉侯奄成十八年張老為侯奄國  
也則中軍尉亦稱與尉侯奄語作九侯注中軍侯奄也與  
師侯正亞旅成二年注與師主兵車侯也七輿大夫侯伯七年注  
副車七乘疏每車一大夫主之謂之輿帥襄二十三年七輿  
七輿大夫服虔云上軍之輿帥七人輿帥大夫與之注七輿  
官名疏謂主副車之官也服虔云下軍輿帥七人故七輿大夫與樂氏

七輿大夫中有左行共華右行賈華時晉猶未置三行

則所謂左行右行者即魏詩所云公行耳

公族大夫

宣二年以其故族為公族大夫疏引孔晁國語注云公族大夫掌公族及卿大夫子弟之官成十八

年韓無忌為

餘子宦其餘子亦為餘子注餘子公行庶子為適子之母弟亦治餘子之政公行庶子為

庶子妾子也掌

九宗五正隱六年翼九宗五正頃父之子嘉父逆晉侯于隨注唐叔始封受懷

率公之戎行

五正五官之長九宗九姓為一族也六正襄二十五年齊人

姓九宗職官

五正遂世為晉強宗家六正賂晉侯以宗器樂

器自六正注五吏五吏三十帥注五吏文職三僕大夫錄成

三軍之六卿十帥武職皆軍卿之屬官僕大夫者以君之

六年韓獻子將新中軍且為僕大夫必言僕大夫者以君之

親臣故獨令之從公而入寢庭也沈欽韓曰僕大夫如王之

太僕掌復陶襄三十年使為復行人襄四年韓獻子使行人

內朝事復陶注主衣服之官行人子員問之二十六年行

朱子邑大夫僖二十五年趙衰為原縣大夫襄三十年趙孟

縣師傳曰以為絳縣師注縣師掌地域辨其夫家人民命大

夫疏特命大夫使謂陰地之命大夫士箋注命大夫別縣監尹

大夫閔九年傳注卜大夫卜史卜史哀九年占諸史趙史墨史龜古者

亦蒞其事王藻卜人定龜史占墨理官昭十四年士景伯如

是也故史趙三人並以占卜見理官楚叔魚驥理注士景

伯晉大理新序晉文公反太史宣二年大史書日趙盾弑其

理官大理新序晉文公反太史宣二年大史書日趙盾弑其

五年辛有之二子董之晉於左史哀十年筮史僖十五年傳

有董史又藉氏司晉之典籍是左史哀十年筮史僖十五年傳

筮之史又侯祭史昭十七年使祭史先用牲疑即祝祝宗文

禱貨筮史祭史昭十七年使祭史先用牲疑即祝祝宗文

子使祝宗祈死祝史僕人襄三年魏絳授僕人執秩七年晉  
祝宗皆大夫之家臣書注僕人晉侯御僕執秩七年晉  
侯作執秩以正其官襄十四年師曠侍於晉  
官注主爵秩之官樂太師侯注師曠晉樂太師  
歌文王之三樂正國語公召軍吏而戒樂正注正  
注工樂人樂正長也軍吏主師旅樂正主鐘鼓  
巫襄十八年小臣傳四年與小臣接賈公彥周禮疏諸侯小  
梗陽之巫皋臣當天子太僕之事此傳小臣是內小臣  
奄士寺人倍五年寺小吏倍二十四年豎頭須守  
之類人披伐蒲小吏倍二十四年豎頭須守  
夫廩熊躡不熟公羊傳作膳宰何休注主宰割  
穀膳者若今大官宰人又昭九年膳宰屠蒯甸人饋人  
年使甸人獻麥注主爲公田者又饋人爲之  
禮甸師掌帥其屬而耕耨王籍以時入之王之同姓有罪則  
死刑焉鄭注引文王世子公族有罪致刑于甸人則甸人卽  
甸師也襄三十一年傳甸設庭燎而周禮甸師帥其徒以薪  
蒸役外內襄之事此舟虞國語叔向召舟  
甸人爲甸師明矣舟虞國語叔向召舟

論曰姬德日衰晉實代興自文公恃其匡復之功請隧  
召狩弁髦王室天下莫之敢詰也其後設官命帥廢三



卿而爲大夫僭王制而作新軍卿則或六或八後乃衍爲十二考周之法侯國不得有孤卿而晉立太師太傅數且倍於天子之上公矣至于九宗五正授自先王所謂世臣大族與國終始者然自武公以後迄無聞家而創制改物陵蔑舊章率皆與文武周公之法相背而馳焉及悼平以降君德不競政出私門命卿雖多適爲禍本卒也韓趙魏之徒傾荀范滅智宗遂瓜分公室而有大其都者耦其國披其枝者傷其心故曰諸侯僭天子大夫僭諸侯尤而效之又誰罪焉原晉之所以能强大者由其自立法制不襲故常而國以此始必以此終盜賊篡竊之智自謂人莫予加矣又烏知有從而擬議

其後者哉

宋司空

桓六年宋以武公廢司空城司城傳曰文公即位使司

徒文十

一年司徒皇父大司徒昭二十九年樂輓爲大司徒

徒司馬

桓二年孔父爲司馬大司馬文八年殺大司馬公子

以官程子

曰宋王者後得自命卿故書願受武曰大司馬

嘉爲司馬

知大少司馬昭二十五年華右司馬強購見韓

寇文十

一年大司寇成十年向爲人爲大司寇少司寇少司寇

又少司

左師僖九年魚氏世爲左師右師文十六年華元爲

寇輓代

太宰桓二年華少宰成十五年向帶爲太宰魚父爲少

國父爲

太宰督爲太宰少宰宰傳曰二宰出奔又襄十七年皇

宋立左右二師比於孤卿僖九年公子目夷爲左師始

見於傳前此未有也顧棟高謂子魚以左師兼司馬而爲執政之卿理或然與襄九年傳使西鉏吾它府守注鉏吾太宰也府六官之典按周禮天官掌建六典與此相合朱子云二王之後得用天子制度故宋得備六官而秦蕙田氏乃譏宋以司寇爲卿出於僭擬殆未之深攷耶

里宰

襄九年使伯氏司里注里宰疏司里謂司城內之民秦蕙田曰司里主營造土功之事蓋司空之屬杜云里宰

非也

隧正爲隧正義曰此隧正當天子之遂大夫校正工正

年命

校正出馬工正出車正義曰校正主馬於周禮爲校人

是司

馬屬官昭四年傳云夫子爲司馬與工正書服是諸侯

之官

司馬之屬鄉正襄九年使四鄉正敬享注鄉大夫孔疏

有工

正主車也鄉正其所職掌當天子之鄉大夫周禮鄉爲

一軍

宋大國不過三軍而有御士昭二十年華多僚門宦

四鄉者當時所立非正法也御士爲御士注公御士門宦

十二年門官殲焉正義曰門官

虎賁氏之屬師行在君左右門尹

得國語門尹除門韋昭注門尹司門也

按周禮地官司門下大夫二人即此帥甸

郊甸之帥疏云郊外爲甸帥甸者甸地

之帥公侯邑之大夫也杜舉類言之樂師

籥師掌教國子舞羽司干掌舞器此舞

師即籥師司干之類非地官舞師也寺人

籥伊戾爲太子內師孔穎達曰內師身爲寺

人之官公使之監知太子內事爲內人之長

司宮巷伯微宮注司宮當天子之內小臣也

以達注大尹近迹人哀十四年迹人來告注迹人

官有寵者也迹人主禽獸者即周禮地官迹人

年呂封人華豹祝宗襄九年祝宗用馬於四墉注太祝宗

注呂邑封人官祝宗人又哀二十六年祝襄以載書告皇非

我注襄祝名周禮邑大夫莊十二年蕭叔大心注叔蕭大夫

詛祝注引此爲證邑大夫名正義曰卿大夫采邑之長謂之

當是其名而叔其字亦非蕭大夫也願炎武曰按大心

日蕭耐庸國叔名按唐書宰相世系表云蕭叔朝公解

樂父裔孫大心平南宮長萬有功封於蕭以爲附庸今徐州

蕭縣 裏二十年補師段道是也 褚師之杜預以爲市官

顧棟高曰文七年傳宋六卿和公室及哀二十六年傳六卿三族降聽政並以右師左師司徒司馬司城司寇爲六卿成十五年傳華元曰我爲右師君臣之訓師所司也是宋以右師爲政卿也太宰在六官之下而此傳云遂相宋公益非常制又案僖九年傳宋襄公卽位以公子目夷爲仁使爲左師以聽政於是宋治襄九年宋災傳樂喜爲司城以爲政正義曰子罕賢智故特使爲政齊任管夷吾魯任叔孫婁皆位卑而執國政哀二十六年傳司城爲上卿是宋亦有以左師司城執政者矣宋雖立六卿而無宗伯周禮小宗伯掌建國之神位大裁及執事禱祠于上下神

祇鄭注曰執事大祝及男巫女巫也小宗與執事共禱祠

春秋多祝宗並稱則諸侯之宗人當周禮小宗伯之職也

齊相莊九年管夷吾治二相史記世家以崔杼爲右相上卿

有天子之二守國高在司寇位爲司寇齊之司寇非卿太宰

齊語桓公使鮑叔爲三宰齊語臣立三宰注三宰鄉大夫

齊語昭注宰太宰也三宰齊語臣立三宰注三宰鄉大夫

鄉士也韋昭謂鄉大夫也鄉帥縣帥齊語十卒爲鄉鄉有鄉帥

五屬大夫齊語十縣爲屬五屬故立五大夫五正齊語又立

長也正聽里有司齊語五十人爲小戎里有司軌長連長齊

大夫之治里有司帥之又三十家爲邑邑有司軌長連長齊

四里爲連連爲之長卒帥卒有卒帥工正爲工正主掌百工

官司徒成二年傳注鏡司徒主鏡太史襄二十七年太史小

史南史執簡以往孔疏南史佐太史士官成十八年士華免

者南史執簡以往孔疏南史佐太史士官成十八年士華免

者士官 寺人 襄二十七年圍人養馬寺人奄士雍人有龍注雍人名

巫正義曰周禮掌食之官有內雍外雍此人爲 宰夫昭二十

雍名巫字易牙也又襄二十八更以爲 宰夫昭二十

宰獻疏云宰夫掌 漁監 襄二十五年申蒯侍漁者注侍漁監

賓客之獻飲食 取魚之官願棟高曰周禮獻人掌以

時獻爲梁此侍漁 虞人 昭二十年齊侯田于 祝史 襄二十五

當周禮之獻人也 沛招虞人以弓不至 祝史 年祝佗父

昭二十年祝固史闒服虔 差車 哀六年差車鮑點注差車主

云固齊太祝史闒太史也 車之官秦慈田曰大夫家臣

僕人 哀二十一年爲僕人之未次願棟高曰 齊侯伐衛先

驅穀榮御王孫揮召揚爲右申驅成秩御莒恆申鮮虞之傅

擊爲右曹開御戎晏父戎爲右貳廣上之登御邢公盧蒲癸

爲右啟牢成御襄罷師狼蓬疏爲右肱商子車御侯朝桓疏

跳爲右大殿商子游御夏之御寇崔如爲右燭庸之越駟乘

願棟高曰公御 晏子曰山林之木衡鹿守之澤之萑蒲舟

蛟守之藪之薪蒸虞侯守之海之鹽蜃祈望守之

衡鹿舟蛟虞侯祈望

皆官也疏周禮司徒之屬有林衡之官掌巡林麓之禁此置虞侯以守山林是也舟行水之器蛟大魚之名故以名官

周禮山澤之官皆名爲虞侯大澤大藪中士四人藪是少水

之澤立官使之侯望故以虞侯爲名海是木大神有時祈望祭之因以祈望爲主海之官

皆齊自立名與周禮不同南邀爲大田隰朋爲大行東

郭牙爲諫臣王子成父爲大司馬弦章爲大理

呂氏春秋

齊之官制內外傳所記甚簡略國子帥五鄉高子帥五

鄉是以上卿爲軍將猶周制也然管子所定一時之權

制耳非常法而澤立三虞山立三衡亦不必盡合周禮

鄭正卿襄二子駟爲

少正襄二十二年使少正公孫僑注

爲卿知少正卽卿官春秋之上卿襄二十六年傳注云上卿

時官名變改周禮無此名也上卿襄二十六年傳注云上卿

在四十九年罕氏冢宰昭元年請于冢宰注冢宰子皮

常掌國政以爲上卿冢宰顧棟高曰冢宰執政之美稱猶南



遺稱季孫爲冢卿士會稱薦太宰襄十一年太宰石與如楚  
放爲宰非鄭獨設冢宰之官程啟生日太宰之官非鄭  
所令正襄二十六年子太叔爲六卿襄九年鄭六卿公子驤  
重令正注主作辭令之正六卿公子發公子嘉公孫輒  
公孫薑公司徒司空襄十年子嬰當國子國爲司  
孫舍之司馬司寇列居火道素熬田  
昭十八年司馬司寇列居火道素熬田  
日司寇與司馬並稱疑司寇亦卿也

願棟高曰鄭六卿其名可見者司馬司空司徒三官襄二  
年傳云子罕當國子駟爲政子國爲司馬十年傳云子駟  
當國子國爲司馬子耳爲司空子孔爲司徒盜殺子駟子  
國子耳子孔當國十九年傳云鄭人使子展當國子西聽  
政立子產爲卿三十年傳云子皮授子產政曰虎帥以聽  
誰敢犯子子產爲政是鄭卿最重者當國當國之下復有  
爲政一人此二卿未知以何名命之子產以少正爲卿則

六卿之中當有少正又與宋六官不同名

門子

襄九年大夫門子注門子卿之適子疏周禮小宗伯掌三族之別其正室皆謂之門子鄭云正室適子也將代

父當門者也是卿也太史襄三十年使太史命伯石為樂師

之適子為門子也馬師襄三十年公孫鈕為馬師昭七年師箴師箴十

昭二年傳封人隱元年類谷封人疏周禮封人掌為畿封而

注市官也封人莊十四年原繁先人典司宗外僕僖三十三年仲足宗人

屯襄二十八年傳注外僕掌次舍者執政昭十六年執政禦

者司墓昭十二年司墓之行人襄三十七年使執訊而與之書注

執訊通問宰夫宣四年宰昭公十八年公孫登徙大龜

夫大祝史徙主祔于周廟府人庫人各徹其事商成公做司

宮寺人之官出舊宮人寅諸火所不及明日使野司寇各保

宮寺人之官出舊宮人寅諸火所不及明日使野司寇各保

六典通考卷五

三

其徵縣土也疏謂司寇之官在野者周禮司寇屬官有縣土若邦有大役聚眾庶則各掌其縣之禁令知諸侯縣土亦當然也郊人助祝史除於國北禳火于元冥回祿

鄭在春秋初祭仲以天子命卿首專國政其後有上卿次卿屢見內傳六卿之名傳未盡詳大抵僭擬周制而爲之顧氏以少正當六卿亦無確據方子產執政百務更張左史稱其上下有章等威有辨至於官制之僭竊相沿已舊卒不能有所變革

衛 殷民七族陶氏施氏繁氏錡氏樊氏饑氏終葵氏聃季

授土陶叔授民命以康誥而封於殷虛陳傅良曰殷民七族實封康叔懷姓九宗

實封唐叔蓋世家大族禮法足以齊其家恩義足以帥其族正有國者所以爲治也酒誥太史友內

史友

太史內史掌國典法所賓友

越獻臣百宗工矧惟爾事服休服采於

臣百尊不可不慎況汝身

事厥行美道服事治民乎矧惟若疇圻父薄違農父

圻父司馬農父

司徒身事且猶敬慎況所願疇咨之司

馬乎況能迫迴萬民之司徒乎言任大若保宏父定辟

也宏

父司空當順安之司徒司馬司空列國諸侯三卿

先儒謂諸侯有太史無內史春秋傳稱鄭使太史命伯石為

錢時曰

卿又齊有太史南史晉有太史董狐魯有外史楚有左史諸

國並無內史則此太史內史皆殷之故臣故康叔視之為友

也

梓材汝若恆越曰我有師師司徒司馬司空尹旅

朱子曰

言司徒司馬司空蓋謂克商時侯國之官故內則以冢宰敷

教而鄭氏以為諸侯並六卿為三故以司徒兼冢宰皆諸侯

也

也

詩子子干旌在浚之郊

注旌于干首大夫之旌浚

也

疏周禮孤卿建旌衛侯國無孤當是卿也大夫者總

也

子子干旌在浚之都

箋周禮建旌則州長之屬

疏鄉射

從者執鹿中是諸侯之州長也司常云師都建旗州里建旗

縣鄙建旒注云師都六鄉六遂大夫也州里州鄙鄉遂之官

也

諸侯之鄉亦大夫故鄉飲酒目錄云諸侯之鄉大夫三年賓  
賢與能之禮是鄉為大夫則遂亦大夫也縣與州長班同亦  
是士也黨鄙則州縣下或亦為士鄧族以下大夫夙退母使  
卑皆非士矣鄉大夫以下及不命之士等  
君勞然後罷禮書諸侯內朝路寢夫人聽內事於正寢大夫退  
庶子掌之其官與天子異魯語曰天子及諸侯合民事於外  
朝合神事於內朝自卿以下合官職於外朝合家事於內朝  
然則卿大夫右宰隱四年右宰穀從而逃歸少師襄二十七年  
亦二朝也右宰隱四年右宰穀從而逃歸少師襄二十七年  
少為少師公使為司寇昭二十年奪之司寇注齊豹為衛司  
卿少師非卿官為大司徒哀十五年司徒騰成二太史閔二年  
十八年士榮為大司徒哀十五年司徒騰成二太史閔二年  
士注治獄官也為大司徒哀十五年司徒騰成二太史閔二年  
龍滑與禮孔二人曰我太史也實掌其祭顧棟高曰周禮  
太史祭祀與執事卜日祭之日執書以次位常是太史掌祭  
祀太師之卒章注太師掌樂大夫樂人注師曹請為之將軍檀  
也衛將軍之卒章注太師掌樂大夫樂人注師曹請為之將軍檀  
文子祝定四年傳注祝鮒太祝子魚哀占夢侯占夢六年衛  
與卜人比周禮筮史哀十七年晉彌赦行人哀十二年褚師  
占夢中士四人筮史占之注赦筮史行人哀十二年褚師

園子 駢乘 昭二十年宗魯駢乘願棟高日封人 論語儀封人  
申 天子封人 職典封疆 謂之陪乘即車右也 封人 注官名正義  
知諸侯封人亦然

檀弓衛有太史曰柳莊疾革公曰社稷之臣也與之縣  
邑命子孫無相忘古者臣有大功世其官邑不知柳莊  
于衛何功也論語直哉史魚集注云史官名或是太史  
柳莊者意史魚之徒與漢武帝稱汲黯爲社稷臣以其  
守節不屈則莊之居官可知矣

陳司馬 襄十七年司徒昭入年司馬司馬司空 襄二十五年

致注司馬致節司空致論語孔注司敗官名陳大夫正

刑之官 芋尹 哀十五年芋尹蓋孔穎達曰芋草名楚

夫也 日知錄昭入年與嬖袁克殺馬毀玉以葬解以與爲眾非  
也 真嬖嬖大夫也言與者掌君之乘庫如晉七與大夫之

周語單襄子假道於陳侯不在疆

侯侯人也掌迎賓客也

司空不

視塗

司空卿官掌道賂

膳宰不致餼

膳宰膳夫也掌賓客之牢禮

司里不授

館

司里里宰也掌授客館

陳有四官而曠其職故單子譏之又史

記索隱司徒招一作菽使楚見殺

楚令尹

莊四年令尹闕祈文王時彭仲爽莊二十八年子元

三十二年子文僖二十三年成得臣二十八年為呂臣

是年子越諸殺般而代之十一年為艾獵成二十二年子重襄二

年子辛五年子襄十五年公子午二十一年子南二十二年

遠子馮二十五年屈建二十九年王子圉昭元年薳罷十二年

年公子墨肱是年棄疾即位子旗為令尹十七年陽句二十

三年囊瓦定六年子西哀十六年沈諸梁兼令尹司馬是年

令尹 楚以令尹執政最為貴卿左氏所記凡二十八人惟彭

仲爽申倂也餘皆出於王族如子文叔敖之類賢能尤著其以驕淫敗者不過數人傳稱惟楚有材又曰楚能官人信矣論語正義曰令尹宰也周禮六卿太宰爲長遂以宰爲上卿之號楚臣令尹爲長從他國之言或亦謂之宰宣十二年蔣敖爲宰是也令善也尹正也言用善人正此官也

左尹

宣十一年

右尹

成十六年

尹子辛

襄十九年

鄭子革

爲右尹

程啟生曰子辛子重俱以貴介爲左右尹出將重

兵其後並爲令尹則左右尹蓋亦楚之尊官襄公以後漸用

爲人

稍降矣

王尹

昭二十七年

王尹

未必然定本

王尹

主宮

工尹

文

年王使子西爲工尹注掌百工

之官又昭十九年楚工尹赤

工尹

名見於

經則

工尹

爲楚卿

宮廄

尹

昭元

官矣檀弓稱工尹商陽商陽乃下土與此異

宮廄

尹

昭元

官矣

檀弓

稱工尹

商陽

商陽

乃下

土與

此異

宮廄

尹

昭元

宮廄

六

其

直

卷

二

二

二

二

二

二

二

二



殿尹子哲又二十七環列尹文元年潘崇掌環列之尹注太

年中殿尹陽令終成十年太宰子商孔穎達曰楚太宰少宰

師文元年潘太宰之官位任卑傳稱太宰伯州犁是也

文十二年楚少宰如司馬僖二十六年大司馬襄十五年蓋

晉師注少宰官名如司馬子西大司馬子襄為大司

馬司馬文十年期思公復遂為右司馬子朱及文之無畏為

一人左司馬昭三十一年左司司徒文十一年以授司

矣文十年歸死于司敗顧棟高曰論語有陳司封人封人

疏封人主選地邑計度人數周禮封人縣公侯縣公注楚

大司馬大役與慮事注慮事者封人也縣公侯縣公注楚

縣大夫皆偕稱公楚有息公子朱申公巫臣期思公復遂申

公壽餘葉公諸梁白公勝商公子西蔡公棄疾皆縣公也與

縣尹微別邑大夫亦稱君昭公二十莫敖桓十一年莫敖

穎達曰官名臨時所作莫敖之徒並不可解故杜皆不連敖

強解之按戰國策有莫敖大心莫敖子華皆以官為氏連敖

史記韓信為連敖索隱引李奇大為大關謂之大伯注若

云楚官名又引張晏曰司馬也大為大關謂之大伯注若

今城門校尉官疏周禮地官之屬有司門下大夫二人掌司

授管籥以啟閉國門若今之城門校尉主王城十二門願棟高曰

宮昭五年楚子欲以韓起為關羊舌肸為司宮願棟高曰

人之上記曰深宮固門闕寺守之是關與奄寺雖不同皆以

刑人而掌近職又昭七年傳楚子為章華之宮無宇之闕入

馬而宋亦有司馬之侍人齊有崔子卜尹先佐開卜使為卜

尹開卜哀十八年傳注觀郊大夫昭十三年王奪成然亦使

司樂大夫定五年以鍾建為冷人成九年鍾儀冷人也注冷

世掌樂官故世正僕定十三年蔡公因正僕人殺太子祿注

名樂官為伶官正僕定十三年蔡公因正僕人殺太子祿注

大夫左史相右史哀十七年右領右領昭二十七年鄂將師

馬官昭二十七年帥都君子與王馬之屬以濟師注都君子

也涓人國語涓人疇注今中涓也太傅史記伍奢為太傅少

師左傳費無太師帥于太師子穀費無忌為少傅

日知錄春秋列國官名若晉之中行宋之門尹鄭之馬師秦之不更庶長皆他國所無而楚尤多有莫敖令尹司馬

太宰少宰御事左史右領左尹右尹連尹鍼尹宣公四年有箴尹克

黃哀公十六年有箴尹因疑卽鍼尹寢尹工尹卜尹芋尹陳有芋尹蓋藍尹沈尹

清尹莠尹蹻尹陵尹郊尹樂尹宮廄尹監馬尹揚豚尹武

城尹其官名大抵異於他國宋有禘師而鄭亦有之昭公二年子皙請以印爲禘師

服虔云連尹射官言射相連屬也孔氏不然其說沈尹

或作寢尹寢縣也見文十二年傳注楚武王克權使鬬

緡尹之遷權於那處使鬬敖尹之蓋亦縣尹之類或主

其事或官其地大抵因時立名耳又魯有左宰周人晉

有執秩饋人宋有大尹齊有左相皆他國所無

吳行人

始於巫臣子狐庸在成七年伍員

司馬

哀十一年孫叔對吳子曰

從司馬注從

少司馬

國語攝少命茲與士五

太宰

論語正義

吳國上大夫稱

太宰

諸國雖有太宰非上大夫鄭云是吳太宰

諸國

雖有太宰非上大夫鄭云是吳太宰

對官帥

國語行頭皆官帥注官帥大夫也韋昭曰此將軍

吳

十旌一將軍

注命卿也

下大夫

國語十行一變大夫也

右校

夫差

史記吳世家將軍孫武

下大夫

客卿

吳越春秋專諸之子拜為

吳越春秋巫臣子狐庸由行人為吳相任國政蓋吳之

諸官以行人為最貴雖重臣如子胥終老此秩不復別

遷

越五大夫

舌庸苦成文種范蠡

相國

范蠡文種

上將軍

范蠡

踐世

宦士

越語宦士三百人於吳注將

前馬

前馬在

日知錄越語勾踐身親爲夫差前馬韓非子云爲吳王洗馬洗音銑淮南子云爲吳兵先馬走

原當作吳王

荀子天子出

門諸侯持輪挾輿先馬賈誼新書楚懷王無道而欲有霸王之號鑄金以象諸侯人君令大國之王編而先馬梁王御宋王駿乘滕薛衛中山之君隨而驅然則先馬者馬前引導之人也亦有稱馬洗者六韜賞及牛豎馬洗廩養之徒漢書百官表太子太傅少傅屬官有先馬張晏曰先馬員十六人秩比謁者先或作洗又攷周禮齊右職云凡有牲事則前馬注王見牲則拱而式居馬前卻行備驚奔也又道右職云王式則下前馬是此官古有之矣莊子黃帝將見大隗乎具茨之山張若謂朋前馬

秦風既見君子寺人之令

寺人內小臣也

疏燕禮小尹

臣傳君命此說國君之禮使寺人傳命者天子

右大夫說成

備官故外內異職諸侯兼官外內共掌之者

詹襄十卜人倍十五年秦伯伐晉卜徒父筮之注秦之掌龜

一年占而醫昭元年和五殺大夫奚上大夫楚

左傳僖十五年秦始征晉河東置官司焉注不詳其官

名秦本紀載三帥自徹敗歸復官秩如故亦不言所任

何官左傳成十三年有不更女父襄十一年有庶長鮑

皆秦官名詳爵命考

曹風彼侯人兮荷戈與及彼其之子三百赤芾

侯人道路送

賢者之官不過侯人芾韞也大夫以上赤芾乘軒疏周禮天子之官侯人是上土下土諸侯之侯人亦應是土此說賢者乃身荷戈受謂作侯人之徒屬非侯人之官長也天子侯人之徒百二十人諸侯侯人之徒數必少於天子其職云侯人

各掌其方之道治與其禁令以設侯人注云禁令備姦也以  
設侯人者選士卒爲之引此詩彼侯人兮倚戈與敵是其徒  
亦名爲侯人也曹爲伯爵大夫再命是大夫司城哀七年使  
以上皆服赤芾於法又得乘軒故連言之  
司城以聽政程啟生日司城宋官曹不應有蓋豎倍二十  
曹後衰弱奉宋之政令已久其見滅於宋宜矣  
伯之豎侯孺注隨少師桓六年使戎右八年獲其蔡司  
豎通使命者  
馬襄八年公子西號祝應宗區史區莊三十二年注觀太  
馬二十八年子朝

秦詩奉時辰牡箋謂虞人也則秦有虞人之官陳詩夫  
也不良傳夫傅相也正義曰師傅當以輔相人君故云  
傅相則陳有師傅之官曹詩傳大夫以上赤芾乘軒而  
公羊氏乃謂曹無大夫殆臆說爾

春秋繁露大國立一世子三卿九大夫二十七上士八十一  
下士亦有五通大夫立上下士上卿位比天子之元士今八

百石下卿六百石上士四百石下士三百石夫人一傅母三  
伯三丞世婦左右婦三姬二良人各有師保世子一上傅丞  
士宿衛公者比公者比上卿者有三人下卿六人比上下士  
者如上下之數夫人衛御者上下御各五人世婦左右婦上  
下御各五人二卿御各五人世子上傅上下史各五人丞史  
各五人三卿九大夫上士史各五人下士史各五人通大夫  
士上下史各五人卿臣二人此公侯之制也次國立一世子  
三卿九大夫二十七上士八十一下士與五通大夫五上士  
十五下士其上卿位比大國之下卿今六百石下卿四百石  
上士三百石下士二百石夫人一傅母三伯三丞世婦左右  
婦二良人二卿人各有師保世子一下士一作傅士宿衛公



者比上卿者三人下卿六人比上下士如上下士之數夫人御衛者上下士御各五人世婦左右婦上下御各五人二御各五人世子上傅上下史各五人丞史各五人三卿九大夫上下史各五人下士史五人通大夫上下史各五人卿臣二人小國立一世子三卿九大夫二十七上士八十一下士與五通大夫五上士十五下士其上卿比次國之下卿今四百石下卿三百石上士二百石下士百石夫人一傅氏三伯三丞世婦左右婦三良人二卿各有師保世子一上下傅士宿衛公者比上卿者三人下卿六人御衛者上下御各五人世婦左右婦上下御各五人二御人各五人世子上傅上下史五人三卿九大夫上下史各五人士各五人通大夫上

一作

大夫上

下史亦各五人卿臣三人此周制也

按董子所述小國次國皆三卿與周禮王制不

合

論曰柳子厚言有里胥而後有縣大夫有縣大夫而後有諸侯有諸侯而後有方伯連帥眾勢積於下故一尊成乎上未有子焉孤立而可臻於理平者也古者大侯受封不過五百里比於後世纔一郡縣之地然其輔佐繁多等列差別故在開國胙土之日必有世家大族與國同休戚其或退居燕閒之地常有左右論諫爲君效耳目至于出入使令建節宣力號爲奔走後先禦侮之材者又不可殫數也國君之視羣臣如其一身羣臣之視國事如其家事民之遠在數百里外者不獲覲其君

則時見其臣水旱疾苦無有隱鬱而不達刑獄輕重無有頗僻而不得其平又非直此而已鄉遂之吏各掌徒役而徵發之令不煩閭井之人並出車乘而攻戰之資素備卽有奸宄異類出于其世則屏諸郊遂納諸園土務使其畏罪改操而後已故三代之盛天下累數百年未嘗有非常暴起之變流血丹野之禍豈非君自私其國人而臣各戴其君上之效乎後世以郡縣理天下大者兼地或盈數圻守令之才不必皆賢其爲僚佐者丞尉司馬三數輩而已師友賓客非可共腹心之謀僕從徒隸非可寄耳目之司守令端坐拱默於上而百姓顰蹙怨歎於下養之旣失其方教之又無其具夫

暴刑虐政以相督迫于民已自謝無過矣其或災沴傷  
和流移滿野則相顧束手而歎曰此天數非人力也吾  
不知昔之設官何爲乎吾又不知今之設官何爲乎蓋  
自秦漢至于今且二千年天下有小康而無盛治非獨  
郡縣有司之才多不肖亦由國家所以設官理民者簡  
略而不詳省察而難周也